

晉
政
輯
要

晉政輯要卷之十二

戶制

關稅一 歸化關稅

凡歸化關稅額徵銀一萬五千兩錢九千串盈

餘銀一千五百兩

會典內載乾隆二十六年覆
準歸化城通中之地設立總

局收稅於東西南北四處各設柵欄一座派役
稽查其綏遠城歸化城和林格爾托克托城薩
拉齊西包頭崑都崙八十家子等處設立蒙古
筆帖式二員併安設書役抽收四項牲畜稅錢
○又載乾隆三十一年覆準歸化城稅務派理
藩院司員徵收○又載乾隆三十三年覆準歸
化城出產油酒煙皮張等項及關東等處發來
商貨從草地行走未經殺虎口徵稅者俱爲口

外土產歸化城按則抽收其內地一切雜貨販
運出口經由殺虎口納過稅銀到歸化城入鋪
零星發賣者不再重徵若貨物運抵歸化城以
後商販車載馱運又販往他處售賣者則無論
土產與外來貨物均於出棚時按則收稅至民
間零星日用物件如布止一二匹煙僅兩三包
者不在收稅之例嚴查家人胥役無許苛擾○
卷查乾隆三十四年二月大學士尹 等奏準
本月十七日山西巡撫鄂爾寶覆奏歸化城稅務
一摺奉 硃批軍機大臣議奏欽此據稱
歸化城管關之員既於樵務未能覈實自應遵
旨改歸巡撫兼管查該處雖有歸綏道
駐劄固可就近代管但常川經理難保日久無
弊請於現在道府內揀員派往一年更換臣不
時稽查所有現在監督瑪爾洪阿已屆期滿應
卽揀員接管再從前所收銀數難爲定額俟另
派委員第一年徵收過銀數臨期覈定再爲酌
定等語查關口稅務自當儘收儘解從前歸化

城關稅止解正額其餘漫無稽查致啟家人胥役中飽滋弊殊非核實權務之道向所派理藩院司員既非該撫所轄難以查核嗣後該關稅務應改歸山西巡撫兼管派委道員以專責成庶耳目易周稽查得實於關務自更爲慎重所有理藩院司員派管之例卽行停止至該撫既稱歸綏道卽駐劄該處若令常川經管恐至日久弊生應如該撫所奏選派道府賢員具摺奏明按年更替則交代盤查每歲皆可核實清釐自不致復滋弊竇至所收稅額亦應如所奏俟試收一年再行酌定惟是立法之始一切均須該撫悉心督理酌定章程並嚴飭委員實力承辦毋任胥役人等稍有侵漁滋擾庶商民兩有裨益是否有當伏俟訓示

下臣等交部行知該撫遵照辦理○會典內載乾隆三十五年覆準歸化城徵收雜稅銀兩併牲畜稅錢以銀一萬五千兩錢九千串作爲正額其餘銀一千五百四十八兩有奇錢一百三

十七串有奇作爲贏餘○又載乾隆四十一年
覆準歸化城徵收稅銀四棚之外商販多有繞
道偷越責成該處營弁於巡防之便在和林格
爾東白塔兒二處查察如有偷漏拏送管稅道
員查辦○又載是年覆準綏遠城所開趕鋪在
本城發賣兵民零星食用者不准收稅如有車
載馱運他處售銷者照歸化城之例一體收稅
○又載乾隆五十二年奏準各關需用收稅冊
檔歸化城山海關於關期未滿三月以前倉差
赴部印發○又載嘉慶四年欽定贏餘
數目歸化城一千六百兩○又載歸化城凡商
販貨物按駁科稅者爲多有按斤件箱匹張箇
雙擔科稅者牲畜按數油酒鋪房分上中二則
按年科稅土默特蒙古牲畜稅每價銀一兩收
制錢八文均照部
頒現行條例徵收

關稅二 交城縣木稅

凡交城縣武元城故交村木稅

卷查雍正十年二月太原府知

府劉崇元申據文交兩縣申詳交邑後山產木最多交易銀兩不下十餘萬兩請於交邑武元城設立稅口水泉灘設立木廠裕國通商詳由該本府查得一應買賣貨物例當抽取稅銀誠所以裕課而通商也今查卑屬交邑後山地方出產木植運至文邑開棚峪口二村貨賣每年交易銀兩不下十餘萬兩此項木植例應納稅但查該縣歷任並未議及職府恐有官吏欺隱以及店家取巧情弊隨即檄查文交兩縣並飭將估計運銷並可否設立稅口應於何處設立照何則例徵收之處行令備細確查妥議詳覆去後茲據各該縣會稱此項木植向因係屬民間自有之利是以並未議及抽稅亦無店家私取情弊則從前未經收稅之處無庸深究但

查此項木植每年交易銀兩既有十餘萬兩遵例以每兩三分覈算每年約可增稅銀三千餘兩誠急宜徵收者也但設立稅口之處現在雖於文邑之開棚峪口兩村設有木廠然係屬私設且交邑所產之木理應於交邑聚賣况交邑所屬之武元城爲水旱總路其水泉灘地勢寬平水陸駁運之木悉聚於此且交邑亦稱交邑上游地界可以立廠而文邑產木稀少不敢擅議設立稅口一立自應並設官牙數名以評木價以息爭端但查此項稅務係屬創始雖據該縣詳稱每年交易銀兩約有十餘萬兩可增稅銀三千餘兩然未經實有徵收終難懸定應於詳允後檄令該縣經收一兩月約有若干再行詳請具題俟收至歲底計其成數統於商稅盈餘項下奏報再此項木植雖據交邑詳稱係屬生生不息但山澤之利恐難永保儲將來砍伐過多或致生機驟息額賦不敷必貽賠累之虞伏乞轉請院憲於疏內一併聲明實爲妥便緣

係裕課通商事理擬合具詳申請憲台轉請批示遵行。又查雍正十年四月初五日撫都院加一級紀錄五次覺羅石麟批布政司呈該本司查得據太原府申查得一應買賣貨物例當抽取稅銀誠所以裕課而通商也今查卑屬交城縣後山地方出產木植雖無連抱棟樑之材而堪作檁椽等用者一望陰翳居民砍倒作筏俱運至文邑之開棚峪口二村貨賣每年交易銀兩約有數萬餘兩此項木植例應納稅但查該縣歷任以來並未議及職府恐有官吏欺隱以及店家巧取情弊隨即檄查交城縣飭將估計運銷並其地之廣袤產木情形並可否設立稅口及稅口應於何處設立照何則例徵收之處行令備細確查妥議詳覆去後茲據該縣覆稱此項木植每年交易約有數萬餘兩因木產於交城聚賣於文水係民間自相交易故歷來並未抽收稅課其在文邑俱民店家亦無私取用錢情弊但以交民賣交木不獲立廠於交地

乃運至文邑求售搬運守賣俱費財力且官牙未立不無奸民借端滋事高下價值賣木之民久稱不便特以木未納稅故祇得苟且從事今既查明自應遵例以每兩三分抽稅於買木之客商名下徵收約算每年即可增稅銀一二千兩豈可聽其私相貿易以啟將來欺隱之漸應如該縣所議卽行定例徵收以裕國課而便商民惟是欲取稅銀須立稅口而欲立稅口須設木廠查交邑詳稱以交民交木應於武元城設立稅口水泉灘設立木廠等語第向來木植俱運至文邑之開棚峪口貨賣一旦創設交邑恐不便於商民而交文接壤之區水口車路或有阻滯妨礙之處深爲未便隨卽飭委榆次縣公同查勘據該縣覆稱兩邑運行木植之處所有水口車路並無阻滯妨礙等語據此自應如交邑所議請於交邑之水泉灘設立木廠於武元城設立稅口實屬妥協至於稅口木廠一立自應設立官牙數名以評木價以息爭端再此

項稅務係屬創始且未經實在徵收終難定其
稅銀確數而客商貨販行運又必俟山水漲發
方可運銷所有稅銀非如商畜等物可以按季
徵收報解應請於詳允後檄令該縣經收至歲
底總覈經收數目照例除去登簿巡查各役飯
食銀兩外方可定額仍嚴飭該縣務須儘收儘
解勿得一毫侵隱亦不得額外多索如有情弊
查出參究每年統於該縣商稅盈餘項下報銷
再此項木植雖據交邑詳稱係屬生生不息但
山澤之利儻將來砍伐過多或至材木稀少額
賦不敷惟有據實報解合併聲明緣係裕課通
商事理擬合敘詳申請轉詳等情本司查買賣
貨物例當抽稅今該府以交邑出產之木植而
在交邑水泉灘設立木廠官牙貿易每兩議抽
稅三分於買木之客商名下徵收在於商稅盈
餘項下報銷誠裕課通商之意應如該府所議
飭行第查此項稅務從未經收稅銀難以覈定
確數應請於詳允後檄令該縣經收至歲底總

覈除去登簿巡查各役飯食銀兩外方可定額
再此項木植誠恐將來砍伐過多材木稀少額
賦不敷惟應據實報解合併聲明緣係裕課通
商事屬創始理合呈詳合候本院裁酌具題施
行蒙批仰候具題○又查雍正十年閏五月十
四日工部題該臣等議得山西巡撫覺羅石麟
疏稱民間一應買賣貨物如不應有稅者自宜
仰體 皇上寬恤商民不得徵收若可以有
益於 國課而無病於商者則例應徵收俾得
裕課通商臣屢經通飭各屬遵照在案茲據布
政使蔣河詳據太原府知府劉崇元詳稱查得
交城縣後山地方出產木植居民砍伐向運至
文水縣之開棚峪口村貨賣每年交易銀兩約
有數萬餘兩並未抽收稅課官牙未立不無奸
民借端滋事高下價值買木之民久稱不便今
既查明自應遵例以每兩三分抽稅於買木之
客商名下徵收約算每年即可增稅銀一二千
兩請於交邑水泉灘設立木廠武元城設立稅

口並設官牙數名以評木價以息爭端至此項稅務係屬創始且未經實在徵收難定稅銀確數應請於詳允後卽令該縣徵收至歲底總覈經收數目除去查簿巡查各役飯食銀兩外方可定額每年統於該縣商稅盈餘項下報銷等情詳請具題臣細加查察此項木植例應抽分稅課除卽飭令辦理徵收曉諭商民一體遵照臣仍不時查察如有多索擾累情弊卽行參究外相應具題等因前來查交城縣後山地方出產木植居民砍伐運銷貨賣若不設立稅口照例徵收不無奸民借端生事致滋弊竇今該撫既稱自應遵例以每兩三分抽稅每年可增稅銀一二千兩請於交邑水泉灘設立木廠武元城設立稅口並設官牙數名以評木價以息爭端等語應如該撫所題準其於交城縣水泉灘設立木廠武元城設立稅口並量設官牙數名以評木價凡有商木到廠照例每兩抽稅銀三分務令該商照數親填簿內再該撫疏稱此項

稅銀係屬創始未經實在徵收難定確數應令該縣經收至歲底總核數目方可定額每年統於該縣商稅盈餘項下報銷等語亦應如所題實成交城縣經徵務令儘收儘解至此項稅銀既經該撫查明照例徵收應入正項報銷不便造入商稅盈餘項下應令該撫於歲底核實具題到日再議仍嚴飭該縣不得額外多索以及絲毫隱匿儻有侵漁擾累情弊一經察出該撫卽行嚴參其所需親填循環印簿臣部照例頒發可也本月十六日奉旨依議欽此○

又查雍正十一年八月十六日工部題該臣等議得山西巡撫覺羅石麟疏稱交城縣於武元城抽收木稅銀兩一案經臣具題部覆令照例徵收扣限一年核實題報並發循環號簿令商人照數親填等因隨行據署布政使溫而遜詳稱武元城經收水泉灘木廠稅銀自雍正十年四月初一日徵收起連同扣至雍正十一年二月二十九日一年限滿通計收過稅銀一千三

百四十六兩零內除書巡人役扣給飯食銀三
十六兩外實收銀一千三百一十兩零已照數
解交司庫訖但查此項木植居民砍伐運廠貨
賣隣封客商零星販買抽分稅銀自有多寡不
齊若以現今所收之數卽爲定額儘遇交易稍
少稅銀虧絀經收之員恐致賠補難免苛索之
弊若買賣衆多稅銀盈裕不肖之員亦不無以
稅額既定而起侵隱之私自應儘收儘解不必
著爲定額以滋日後弊端取具印甘各結並循
環簿呈詳前來臣覆核無異除簿結送部外相
應具題等因前來查雍正十年四月內據該撫
石麟疏稱交城縣後山地方出產木植居民砍
伐貨賣每年交易銀兩約有數萬餘兩並未抽
收稅課官牙未立不無奸民借端滋事今應遵
例以每兩三分抽稅每年可約增稅銀一二千
兩等因經臣部議覆準其照例收稅務令該商
照數親填循環簿內等因題準行文在案今該
撫題報雍正十年四月初一日起連閏扣至雍

正十一年二月二十九日一年限滿實收稅銀
一千三百一十兩八錢九分零銀兩數目既屬
不敷且所送之循環號簿又非該商自行親填
恐經征之員不無以多報少侵隱情弊事關
國課不便遽準應令該撫將本年所收稅銀確
實查明報部其循環簿因何非商人親填之處
一併聲明具題再該撫疏稱此項木植居民砍
伐運廠客商零星販買抽分稅銀自有多寡不
齊若以現今所收之數卽爲定額備遇交易稍
少稅銀虧絀經收之員恐致賠補難免苛索若
買賣衆多稅銀盈餘不肖之員不無以稅額既
定而起侵隱之私自應儘收儘解不必著爲定
額等語查各處關稅俱有定額經征之員方能
畫一遵行今交城縣木稅若不著爲定額將來
所收之數該員未免以多報少侵蝕隱匿均未
可定查湖南省長關徵收木稅雍正九年臣部
議令將徵收三年之內酌中定額在案應令該
撫將交城縣木稅比照前例俟抽分三年之後

酌中具題定額以便永遠遵行併飭令經徵之
員將未經定額之先所收稅銀據實題報儘有
絲毫侵隱一經發覺該撫嚴行查參可也等因
雍正十一年八月十八日奉 旨依議欽

此○又查雍正十三年十一月二十八日工部
題該臣等議得山西巡撫覺羅石麟疏稱交城
縣於武元城抽收木稅銀兩一案前準部咨令
照湖南省辰關徵收木稅之例俟抽分三年之
後酌中具題定額等因遵照在案茲據布政司
王蕃詳稱交城縣徵收武元城木稅已經三年
限滿查三年之內所收稅銀詳加查核每年除
給書巡人役飯食銀三十六兩外俱係儘收儘
解並無徵多報少情弊今以三年之內合算查
雍正十年四月初一日起連閏扣至雍正十一
年二月二十九日一年限滿實解銀一千三百
一十兩八錢九分零雍正十一年三月初一日
起扣至雍正十二年二月三十日一年限滿實
解銀一千二百三十一兩一錢零雍正十二年

三月初一日起扣至雍正十三年二月二十九日一年限滿實解銀一千二百二十八兩三分零酌中定額應以雍正十一年三月初一日起扣至雍正十二年二月三十日一年限滿實解銀一千二百三十一兩一錢零請爲定額如遇稅銀充廣除額定之外飭令全數報解嗣後僅經收之員敢有絲毫隱匿侵漁察出卽行詳參治罪等情臣覆核無異除結送部外相應具題等因前來查雍正十年四月內據該撫石麟疏稱交城縣後山地方出產木植居民砍伐貨賣每年交易約有數萬兩遵例以每兩三分抽稅每年可約增稅銀一二千兩並請儘收儘解不必著爲定額等因經臣部議覆應如所題準其照例收稅但查湖南省辰關徵收木稅係徵收三年之內酌中定額應令該撫將交城縣木稅照例俟抽分三年之後酌中具題定額去後續據該撫將雍正十年實收稅銀一千三百一十二兩八錢九分零雍正十一年實收稅銀一千二

百三十一兩一錢零雍正十二年實收稅銀一
千二百二十八兩三分零報解前來俱經臣部
恐有徵多報少情弊駁令據實確查在案今該
撫石麟既將並無徵多報少情由聲明請照
正十一年實解銀一千二百三十一兩一錢零
爲定額應如所題交城縣徵收木稅準其以一
千二百三十一兩一錢零爲定額仍令該撫轉
飭經徵之員如有盈餘據實報解倘有隱匿侵
漁以及額外苛征擾累商民等弊該撫查出卽
行嚴參俟 命下之日行文該撫並知照戶
部可也十二月初一日奉 旨依議欽此

○又查乾隆二十八年四月二十三日工部咨
營繕司案呈本年三月十六日準晉撫明德咨
稱據交城縣詳稱縣屬西山一帶產生樹木商
民砍伐販賣於雍正十年蒙前撫憲題明徵收
木稅並定議於水泉灘設立木廠於武元城設
立稅口每歲額例徵解銀一千二百三十一兩
零自設口徵稅迄今三十餘載附近山木屢經

砍伐漸次稀疎近年伐木之人皆沿山而西年復一年相距稅口幾有數十里之遙與縣屬後山之故交村不遠該村亦近河干故近日所伐之木多由故交村紮筏入河以致武元城商木漸少徵收額稅每難敷額若必令其由武元城赴廠則紆途轉運與商民自多不便若竟聽其由故交村販運則將來不但稅額日缺而且彼處未有官牙巡役奸民易滋事端價值亦恐高下於公於民兩有未便卑職因地熟籌似應將武元城原設牙行書役酌撥數名於故交村稽查評價準令商民卽於該處就近交稅統歸武元城彙總交縣起解庶於民情既屬相安而稅課亦不致偷漏等情由府轉詳前來擬合咨部示覆以便飭遵等因前來查交城縣後山地方出產木植先據該撫於雍正十年題請在於交邑水泉灘設立木廠武元城設立稅口照例收稅等因經本部覆準在案嗣據該撫於雍正十三年請將所收稅銀照雍正十一年實解銀一

千二百三十一兩一錢零定爲稅額具題又經
本部覆准亦在案今雖據該撫咨稱據該縣詳
報近年附近山木漸次稀疎伐木之人皆沿山
而西相距稅口幾有數十里之遠所伐之木多
由故交村葉筏入河以致武元城商木漸少收
稅每難敷額請將武元城原設牙行書役酌換
數名於故交村稽查評價就近交稅等語但查
交城縣稅口從前原係題明設立今因山木漸
遠請於故交村設立稅口之處僅據該縣詳報
該撫曾否查明確實文內並未聲明本部礙難
辦理相應移咨該撫將該處實在情形委員據
實確查如果必須於故交村稽查評價就近交
稅應俟具題到日再行辦理○又查乾隆二十
八年十二月初六日工部題該臣等議得山西
巡撫和其衷疏稱交城縣故交村添設稅口稽
查評價一案緣交邑西山一帶多產樹木商民
砍伐販賣雍正十年間題明在於水泉灘設立
木廠武元城設立稅口前據該縣以所伐之木

多由後山之故交村紮筏入河以致武元城商木漸少徵收額稅每難敷額請將武元城牙行書役酌撥故交村稽查評價就近交稅統歸武元城彙總交縣起解當經前撫臣明德據詳咨部接準部覆令委員查明實在情形具題到日再行辦理等因當即行司轉飭遵照去後茲據布政使文綬詳稱行據委員清源縣知縣梁植查明交城縣近口各樹木實已稀疎惟自西向北樹林茂密近年伐木之人俱沿山而西漸入正北相距武元城約計六七十里與後山之故交村地脈相連該村河寬水深運木甚便若強令運至武元城入廠報稅則沿途紆迴腳費浩繁似應俯如所請將武元城原設牙行書役各換數名前赴故交村稽查評價準令商民就近即在該村照額交稅統歸武元城彙總交縣起解等情臣覆核無異相應具題等因前來查山西交城縣後山地方出產木植先據該撫於雍正十年題請在於交邑水泉灘設立木廠武元

城設立稅口照例收稅嗣於雍正十三年該撫請將所收稅銀一千二百三十一兩一錢零定爲稅額具題俱經臣部覆準在案乾隆二十八年三月內據調任巡撫明德咨稱近年附近山木稀疏伐木之人皆沿山而西相距稅口幾有數十里之遙多由故交村紮筏入河以致武元城商木漸少收稅每難敷額請將武元城原設牙行書役酌撥數名於故交村稽查評價就近交納等因經臣部查交城縣稅口從前原係題明設立今因山木漸遠請於故交村設立稅口之處僅據該縣詳報該撫曾否查明確實文內並未聲明難以辦理行令該撫將該處實在情形委員據實確查具題到日再行辦理去後今據該撫和其衷疏稱委清源縣知縣梁植查明交城縣近口各山木植實係稀疏近年伐木相距武元城六七十里與後山之故交村地脈相連該村河寬水深運木甚便若強令運至武元城入廠報稅則沿途紆迴腳費浩繁請將武元

城原設牙行書役各撥數名前赴故交村稽查
評價就近交稅統歸武元城彙總交縣起解等
語查設立稅口原以裕課通商該撫既將武元
城稅口移於故交村設立則武元城一口似應
裁撤如以武元城稅口仍有商木經過應行存
留則每年所收木稅亦應加增今該撫並未議
及僅以武元城原設牙行書役各撥數名前赴
故交村稽查收稅仍歸武元城彙總起解恐增
設稅口易啓不肖牙行書役重複收稅之弊應
令該撫再行委員確查如果必須於故交村設
立稅口其武元城稅口應否裁撤以及加增額
稅之處另行妥議具題到日再議可也十二月
初八日奉 旨依議欽此○又查乾隆二
十九年八月二十九日工部題該臣等議得山
西巡撫和其衷疏稱交城縣請增設故交村稅
口一案經臣具題接準部議以設立稅口原以
裕課通商既請將武元城稅口移於故交村設
立則武元城一口似應裁撤如以武元城稅口

仍有商木經過應行存留則每年所收木稅亦應加增行令再行委員確查妥議具題等因隨經行司轉飭遵照去後茲據布政使文綬詳稱遵卽詳委祁縣知縣吳步青前往查勘妥議去後茲據太原府知府劉墉行據委員祁縣知縣吳步青詳稱增設故交村稅口只可稽查東北之木筏而西面所產木植仍由武元城紮筏是武元城之舊稅口斷難議裁但口分二處山仍此山蓋因近西者不得不聽其從西河出水近東者不得不聽其從東河出水以民力之便分立稅口實非另有產木之山等情由府詳轉到司覆查此案增設稅口業經兩次委員勘明委因該山西面木植稀疏漸入正北砍伐相距武元城六七十里運木頗遠而商人往往舍遠就近不無偷漏之弊以致額稅不敷此議增故交村稅口之所由來也但故交村稅口只可稽查東北偷漏而西面木筏仍由武元城紮筏者間亦有之故該委員等亦屢以武元城斷難裁撤

議覆惟是既不議撤武元城稅口而又增設故
交稅口誠如部議似應另增額稅但據該委員
等勘覆稅口雖分兩處產木仍只一山委因民
力之便分立稅口原屬挹彼注此以期敷額實
非另有產木之山並無重複收稅之弊等語查
每歲商木止有此數兩處查收僅可冀敷原額
難以再增額稅似屬實情應如該縣府所議將
故交村稅口準其增設其武元城原設稅口照
舊存留仍於武元城各撥牙行書役數名前往
故交村稽查收稅歸武元城彙總起解免其另
增額稅庶稅課易完商民稱便等情呈詳前來
臣覆核無異相應具題等因前來查山西交城
縣後山地方出產木植先據該撫於雍正十年
題請在於交邑水泉離設立木廠武元城設立
稅口照例收稅每年以一千二百三十一兩一
錢零定為稅額乾隆二十八年三月內據調任
巡撫明德咨稱近年附近山木稀疎伐木之人
皆沿山而西相距稅口幾有數十里之遙多由

故交村紫筏入河以致武元城收稅每難敷額
請將武元城原設牙行書役酌撥數名於故交
村稽查評價就近交稅等因咨部經臣部查交
城縣稅口從前原係題明設立今因山木漸遠
請於故交村設立稅口僅據該縣詳報該撫會
否查明確實文內並未聲明行令該撫將該處
實在情形委員確查具題辦理嗣據該撫和其
衷題報已委清源縣知縣梁植查明故交村地
方實應撥給牙行書役就近稽查收稅又經臣
部議覆以設立稅口原以裕課通商既將武元
城稅口移於故交村設立則武元城一口似應
裁撤如以武元城仍有商木經過應行存留則
每年所收木稅亦應加增復令該撫再行委員
確查另行妥議具題各在案今既據該撫和其
衷疏稱復委祁縣知縣吳步青查勘故交村設
立稅口只可稽查東北偷漏而西面木筏仍由
武元城紮筏所有武元城稅口難以裁撤至稅
口雖分兩處產木仍只一山亦因民力之便分

立稅口原屬挹彼注此以期敷額難以再增稅額等語應如該撫所題交城縣原設武元城稅口照舊存留其故交村地方稅口亦應準其添設仍由武元城原設牙行書役酌撥前往稽查評價就近收稅所收稅銀統歸武元城彙總如有盈餘儘數報解仍令該撫不時稽查儘有牙行書役人等借端需索以及重複收稅等弊卽行嚴拏究擬治罪可也九月初五日奉

旨依議欽此○又查嘉慶四年恭逢

旨減免各關盈餘銀兩業內交城縣酌定盈餘

銀二兩如有盈額徵銀一千二百六十七兩一

餘儘收儘解額徵銀錢入釐二毫內支書巡

人役飯食銀一千二百三十一兩一錢八釐二

三十六兩

毫盈餘銀二兩

卷查咸豐三年四月初十日巡撫兆那蘇圖奏爲交城縣徵收

木稅不敷定額懇

恩責成儘收儘解以歸

核實恭摺奏

聞仰祈

聖鑒事交城縣

所屬武元城故交村木稅自雍正十一年間議
定每年額徵銀一千二百六十七兩零盈餘銀
二兩連閏扣足一年期滿隨同循環簿籍題銷
歷經辦理在案迨後歷年徵不足數均經該縣
捐廉補足於題銷案內聲明造報茲據布政使
郭夢齡詳據交城縣知縣陳從孟稟稱從前山
場產木較旺商販絡繹徵收稅銀並無短絀後
因產木稀少徵不足額均係捐廉補解迄今木
植樵採殆盡商販寥寥每年實在徵收銀一百
餘兩不及十分之一兼之銀價昂貴所收稅錢
易銀解庫折耗甚鉅賠累難支請將此項木稅
準予徵收若干卽照實數批解等情由布政司
委員前往履勘悉心查訪旋據稟覆山產成材
木植早經伐盡僅贖柴薪並無虛捏係屬實在
情形自應核實辦理恭查嘉慶七年欽奉
上諭顏檢奏密雲縣徵解木稅不敷定額懇
請核實辦理一摺該縣管理古北口抽分事宜
每年應解木稅銀一千一十二兩零定爲歲額

今據稱該處商販寥寥無人領票辦課山場砍伐既久近年以來只有小民在附近各山採取柴薪照例輸課每年不過三四十兩至五六十兩不等自係實在情形除嘉慶二年至六年止應解稅銀仍在歷任知縣名下照數勒完外嗣後此項木稅自嘉慶七年爲始着卽照雜稅之例儘收儘解不必定以額數仍著責成該道府隨時稽查毋得以多報少致滋弊混等因欽此今該縣短徵木稅似與密雲縣事同一律援案具詳請奏前來臣查交城縣木稅由來已久國家經費有常豈容輕議更張惟當清查之後一應款項須歸實在現在該縣徵收木稅較前缺額更多若仍責令捐廉補足勢必漸至挪移虧欠且數年以來並未題報考核現奉部催急爲清理並行取遲延及督催不力各職名送部查議等因臣思與其有名而無實莫若以實徵輸可否援案辦理之處出自 皇上天恩如蒙 俞允請自本年爲始卽照經徵雜稅之

例儘收儘解俾昭核實庶杜挪移虧欠之弊一面仍令該管道府認真稽查儻有以多報少卽照例治以侵盜之罪如該上司扶同徇隱一併參處再查此項木稅道光二十八年以前歷年銀兩已於清查案内催解清款二十九年起至咸豐元年未完銀兩應仍在於歷任各員名下勒限追賠另行報部核辦外所有木稅請儘收儘解緣由是否有當理合恭摺具奏四月十七日奉 硃批該部議奏欽此○又查咸豐二年六月初二日工部議奏前摺內稱臣等查山西交城縣所屬武元城故交村每年應徵木稅銀一千二百六十七兩零盈餘銀二兩自道光二十一年題報後迄今已居十年並未具題考核歷經臣部按年咨催在案今據該撫奏稱木植樵採殆盡商販寥寥每年止徵銀一百餘兩請援成案改照徵收雜稅之例儘收儘解等語臣部查道光二十一年該撫具題案內報徵銀九百九十一兩與額定銀數所短無幾

今遲擱十年忽稱每年徵收僅止一百餘兩多
少懸殊情形迥異難保無不實不盡之弊且臣
部所管各關木稅俱有定額遇有徵收不足之
處例應經徵之員勻攤賠繳誠以國家經費
有常從前各關稅銀均經歷年比較適中定額
本屬有盈無絀或遇經徵之員不能得力致有
收不足領之虞責令賠補亦屬咎所應得若如
所請藉口賠累輕議減額恐各關紛紛效尤
國課日形短絀臣部職司考核礙難率準更張
至該撫所引嘉慶七年直隸密雲縣木稅奏請
儘收儘解一案係奉 特旨準行臣部未
敢援以爲例相應奏 聞請 旨飭下
山西巡撫轉飭經徵之員仍照定例按年徵解
報部考核至所稱道光二十八年以前銀兩已
於清查案內催解清款二十九年起至咸豐元
年止未完銀兩仍在各員名下勒限追賠等語
均未據報部有案應飭同歷任徵解遲延暨督
催不力各職名一併報部查議本日奉

旨依議欽此○又查咸豐三年五月十八日巡撫咨芬奏爲木稅銀兩實在不敷定額懇恩准予儘徵儘解以歸核實事竊照山西交城縣所屬之武元城故交村木稅自雍正十一年間定額銀一千二百六十七兩零盈餘銀二兩後因產木不旺商販稀少歷來稅銀均係該縣捐廉補解咸豐二年四月經前撫臣兆那蘇圖將短絀情形奏明並援照嘉慶七年古北口木稅改照雜稅儘徵儘解之案聲明請旨嗣經部臣議駁自應責成該縣遵照辦理惟查該處木稅自立額以來迄今百有餘年原生大木早被砍伐後產之木均不成材因而商販寥寥稅漸減少道光二十一年報銷稅銀雖尙有九百九十餘兩已屬賠項補解迨後大小木植樵採殆盡直至三十年並無一商前來止有附近小民採樵照例輸稅每年止收銀一百餘兩臣詳加體察係屬實在情形從前賠補稅銀該縣廉俸充足尙可支持現在養廉俱已一律減去

六成若再責令照額徵解誠恐挪移別項抵補
實於歲賦無益再四思維與其以賦抵賦敷衍
目前莫若儘徵儘解款收實效且查雍正十一
年原案聲明現雖產木較旺商販絡繹恐將來
砍伐過多生機驟息額賦不足仍須隨時酌辦
是定額之初恐徵不足數業已陳明在先且此
項稅銀係本處落地木稅迥非各關商販往來
輸納稅銀者可比等情詳由藩司郭夢齡具詳
請奏前來臣覆查無異合無仰懇 皇上天
恩俯準將交城木稅卽照雜稅之例改爲儘徵
儘解臣仍督飭該管道府認真稽查如有以多
報少照例治以侵盜之罪該管上司扶同徇隱
一併參處以歸核實而昭慎重再此項木稅道
光二十八年以前歷欠銀兩已於清查案內備
解清款二十九年起至咸豐二年止未完銀兩
仍應在於歷任各員名下勒限追賠另行報部
合併聲明五月二十四日奉 硃批該部
議奏欽此○又查咸豐三年六月二十六日工

部議奏前摺內稱臣等查山西交城縣所屬武元城故交村每年額徵木稅銀一千二百六十元兩零盈餘銀二兩前於咸豐二年據原任山西巡撫兆那蘇圖奏明該縣木植樵採殆盡賠累難支援案奏請儘徵儘解經臣等查該縣徵收木稅自道光二十年以後延未題報輒以近年徵收僅止一百餘兩恐有不實不盡且稅額有定未可輕議更張奏明駁令照數徵收完稅在案嗣據該撫題報道光二十三年至二十九年徵收數目核計逐年短絀似所稱木植樵採殆盡之處尙屬可信今又據該撫奏稱該縣照補稅銀從前庫俸充足尙可支持現在養廉既減若必責令照額徵解轉恐啟挪移之弊等語雖屬因時制宜而國課攸關若竟準其儘徵儘解恐此端一開效尤者衆於國課殊有關係臣等公同商酌應令該撫體察情形將徵不足額之稅銀設法籌補庶經徵之員不致以賠累藉口挪移別項而於國課仍無所損亦

可杜各關效尤之漸至道光二十一年及二十九年以後未完銀兩仍令該撫卽行在於恩任各員名下勒限追賠報部查核本日奉旨依議欽此○又查光緒二年十一月二十八日巡撫鮑源深奏爲交城縣徵不足額之木稅業已設法籌補懇請嗣後儘徵儘解以昭核實恭摺仰祈 聖鑒事竊照交城縣屬之武元城故交村木稅一項自雍正十一年議定每年額徵銀一千二百三十一兩零盈餘銀二兩書吏飯食銀三十六兩歷經照數徵解嗣以木植樵採殆盡商販寥寥每年僅實徵銀一百餘兩不及十分之一賠累難支於咸豐二年經該前縣陳從孟援案稟請照雜稅儘徵儘解經前撫臣兆那蘇圖奏奉部議仍照定例按年徵解報部考核咸豐三年又經前撫臣哈芬將實在不敷定額情形奏奉部議令體察情形將徵不足額之稅銀設法籌補並準工部歷次咨催令將歷年木稅如何籌補現在交城縣所屬山場木

植會否成林各員數解銀兩有無追繳解司一
併查明報部當經歷任各藩司隨時飭查該縣
山場內故交村一路木植早經砍伐淨盡已成
荒山非特並無成林且無萌蘖滋生客商久已
不至稅項從何徵收武元城一路雖有零星小
木均不成林居民隨時採爲柴薪照例輸稅每
年僅徵銀一百餘兩較之舊額實在不及十分
之一自道光年間以迄於今已閱數十年之久
竟無起色其應徵稅銀兩除道光三十年以前
實徵及徵不足額之數業經歷任各員按年照
數完交均經題銷在案又除道光三十年八月
起截至光緒元年七月止實徵銀兩均已隨時
提解報撥又除道光三十年八月起至咸豐三
年六月止共未完徵不足額銀二千三百五兩
零均應在已故知縣陳從孟名下追賠應歸另
案辦理外其自咸豐三年七月起連閏扣至光
緒元年七月止計二十二年九箇月共徵不足
額銀二萬五千六百二十七兩零應行設法籌

補祇因歷年以來司庫支絀異常實無閑款可
籌是以懸擱有年尚未議有籌補之方惟積數
已鉅日久虛懸伊於胡底不得不於無可設法
之中竭力籌維因查前撫臣奏準

實復文

職三成養廉歸補歷年司庫墊款擬即將尚未
籌補徵不足額之歷年木稅銀兩悉數在於三
成養廉內彌補俟彌補完竣即行入冊報部候
撥如此設法雖光緒元年七月以前徵不足額
之款得以全數清釐究係一時權宜之計而後
此之木稅實難望有起色則徵不足額之數又
將積成巨款司庫久已空虛更從何籌補惟查
此項稅銀係本處落地木稅迥非各國商販往
來輪納稅銀可比又查順天府密雲縣抽收古
北口木稅因山木砍盡台於嘉慶七年欽奉
諭旨準照雜稅之例儘徵儘解今交城縣
山木早已砍盡稅項短絀情形實與密雲縣之
案相同由署藩司瑛榮援案詳請具奏前來臣
覆加查核委係實在情形合無仰懇

天恩

併準將交城縣木稅自光緒元年八月以後照
雜稅之例儘徵儘解免其籌補出自逾格
恩施除仍飭司隨時委員密查如該縣山場木
植復能成林稅銀得有起色卽行陸續加增儘
該縣有飾詞侵漁情弊一經查出卽予從嚴參
辦以重國課而昭覈實並將歷年徵不足額
細載造冊咨部查照十二月十一日奉
戶部議奏欽此○又查光緒三年正月二十九
日戶部議奏前摺內開臣等伏查山西交城縣
所屬武元城故交村每年額徵木稅銀一千二
百六十七兩零盈餘銀二兩前於咸豐二年經
該省巡撫兆那蘇圖奏稱稅額短絀情形當經
工部議覆仍照定額徵解嗣於咸豐三年又經
該省巡撫哈芬奏請改爲儘徵儘解復經工部
奏令將徵不足額之稅銀設法籌補亦在案今
據山西巡撫鮑源深奏稱除道光三十年八月
起至咸豐二年六月止未完稅銀均應追賠歸
另案辦理外懇請嗣後儘徵儘解等因當卽片

查工部據覆稱該縣徵收木稅歲有定額豈可輕議更張且國課攸關若竟準其儘徵儘解恐此端一開效尤者衆於國計殊有關係所有該撫奏請儘徵儘解之處應毋庸議至咸豐三年七月起連閏扣至光緒元年七月止計二十二年九箇月共徵不足額銀二萬五千六百二十七兩零在於三成養廉內彌補一節臣部查該省養廉免扣三成鈔本係專爲該省彌補各州縣攤捐款項以此籌補稅額亦未妥協應令該撫另行設法籌補並在於歷任各員名下勒限追賠奉旨依議欽此

實徵銀一百餘兩

附 通省各局卡釐稅

咸豐九年巡撫英桂奏準在於省城設立籌餉
總局總理通省行商坐賈百貨釐金藥料稅銀
事宜○行商於通省各要隘共設總卡七處東

路槐樹鋪

平定州屬

東南路東陽關

潞安府黎城縣屬

攔車

鎮

澤州府鳳臺縣屬

南路茅津渡

解州平陸縣屬

西南路風陵

渡

蒲州府永濟縣屬

西路磧口鎮

汾州府永甯州屬

北路忻口

鎮

忻州屬

抽收貨釐藥稅

其稽查分卡及驗票小卡共二十餘處係因時

因地酌量增減收數
各入各總卡開報

外來貨物於入境之卡土

產貨物於出境之卡各完釐一次

其有關民食及一切零星

販賣有礙生計

者一律免抽

外來洋藥土藥於入境之卡土

產藥料於出境之卡每百斤各抽銀三十兩外
來廣膏土膏於入境之卡土產藥膏於出境之
卡每百兩各抽銀三兩七錢五分○坐賣於通
省各廳州縣各設公局專收藥料釐金外來洋
藥土藥落地時每百兩抽銀九錢三分入釐土
產藥料於起載處所每百斤抽銀三十兩再於
落地行銷處所抽銀九錢三分入釐外來廣膏

土膏落地時每百兩抽銀二兩二錢土產藥膏
於起載處所每百兩抽銀三兩七錢五分再於
落地行銷處所抽銀二兩二錢○通省收數自
咸豐九年開辦至光緒二年每年收銀多或十
六七萬兩少則十三萬兩不等光緒三年大祲
後至光緒八年每年收銀六七萬兩不等光緒
九年至光緒十三年每年收銀十八萬兩至二
十餘萬兩不等○通省支用公費如收數在十
七萬兩左右準提一成如收數在十八萬兩至

二十一萬兩以上者準其於一成外再提出銀

一萬兩彌補一成公費不敷之用

卷查咸豐九年正月巡撫

英桂奏準據藩司常績臬司沈兆澧冀甯道瑞昌等詳稱晉省每歲正供除本省俸工役食雜支等款外庫儲二百六十餘萬兩歲運京餼生鐵工程等項已在二百二十餘萬此外本省兵饟暨各路協餉例餉經費等項爲數甚鉅連年幸賴士民捐輸得以斟酌緩急分途解運惟自咸豐二四五六七等年歷次勸捐後商民多緣資本折虧家業消落驟難強其再捐外此實無長策查近年各省抽收釐稅尙可酌盈劑虛辦理得宜或可有濟第晉疆僻處一隅非若他省之水陸衝衢商賈輻輳且山城販運腳費較多故貨價倍昂於他省民情重利創始頗難且查咸豐七年部咨議覆勝保奏請普抽釐稅一摺凡無軍務省分未經抽釐者斷不可紛更脡削

致失人心等語竊思國家經費有常當承平
無事之時原可量入爲出若值軍務浩繁轉輸
乏術亦不得不略爲變通權濟一時之急茲除
有關民食及一切零星販賣有礙於生計者毋
庸油收以示體恤僅擇數大宗酌議簡明章程
分別省內外設立總局分局或慎選委員或責
成地方官妥善經理○又查咸豐九年巡撫英
桂批准籌餉局詳如各該商販有圖省釐金繞
越偷漏者將貨物全數追繳貨價一半充饌一
半給賞○又查咸豐十年正月戶部議奏巡撫
英桂奏酌改釐卡抽收藥料稅銀一摺咸豐九
年十一月二十七日奉 硃批戶部覈議
具奏欽此由軍機處交出到部據原奏內稱晉
省因歲撥京協各餉不敷籌解本年正月間奏
準試辦釐捐當於省城設立籌餉總局查明東
路平定州境之舊關南路平陸縣境之茅津渡
西路汾州府屬之磧口鎮北路忻州屬之忻口
東南路鳳臺縣境之攔車鎮黎城縣境之東陽

關西南路蒲州府屬之風陵渡等處均爲商販
入境出境必由要路隨於各該地方分設釐卡
遴委正印人員駐卡抽收其附近小口設立稽
查分卡以杜繞越偷漏嗣因舊關不若槐樹鋪
扼要將舊關之卡改移槐樹鋪並以釐捐之法
不外行商坐賣兩端酌定行商貨物藥料氈皮
花布紬緞煙酒茶油口鹽鐵鐵牲畜十四大宗
於到卡時抽釐一次所有米麵雜糧以及小本
商販概免抽收曲示體恤至坐賣各項貨物已
於進口時在卡納釐未便於落地時再令繳釐
內惟藥料一宗獲利較厚除進口納釐外仍於
落地行銷處所納釐一次責成地方州縣稽查
辦理各商如有繞越偷漏查出追貨入官變價
充公給賞本地間有栽種罌粟者飭令地方官
驗明畝數計其藥料收成多寡令於完納正賦
之外按兩照章納釐陽曲榆次太谷等縣市集
錢行逐日買賣銀錢甲於通省議令交易銀一
千兩納錢五百文嗣經查明奸商漁利竟有買

空費空計較贏輸迹近賭博當即從嚴示禁此
項釐捐即行停止所抽各項釐銀及充公等款
均以九成作為報解正項一成作為外銷辦公
經費現查行商抽釐總卡七處惟汾州府屬之
礦口鎮蒲州府屬之風陵渡鄰近陝省時有西
來藥料進口報釐其餘各卡均以花布油茶等
項為大宗並無藥料進口即間有以百貨中攜
帶者為數無多不逮礦口風陵兩卡十分之一
晉省原定行商釐數洋藥料百兩抽釐銀一兩
西藥料百兩抽釐銀七錢二分藥膏每百兩抽
釐銀二兩較之楚省稅則略為輕減惟當籌餉
維艱之際凡可稍為設法自應酌量變通以濟
要需茲擬將礦口鎮風陵渡兩卡仿照湖北收
稅章程於藥料一項暫行改釐為稅請自來年
正月為始按照陸路稅則無論洋藥西藥每百
斤抽銀二十兩藥膏加倍抽收所收稅銀每屆
三箇月造冊報部其餘到卡貨物仍按原定銀
數抽收所有兩卡事宜責成該管地方知府督

飭卡員認真辦理如果試辦有效將來釐卡停止卽作爲洋藥稅卡以期久遠儻無起色另議籌辦其槐樹鋪等五處釐卡查明並無藥料進口應仍歸釐務辦理以期釐稅並行不悖至楚省各州縣集鎮零星販賣洋藥每兩抽釐錢九文晉省現行章程藥料於進口時納釐一五分別行商坐賣名目各抽各釐原不準商販賺混取巧與楚省辦法本屬相符再楚省章程洋藥收釐必令貨盡歸行準其請領部帖開行納稅現飭各州縣體察情形徧行曉諭如有請帖充行者隨時酌量舉辦據籌餉局司道議詳請奏前來臣查所議與楚省章程大略相同而於晉省釐務亦無窒礙等語臣等伏查本年二月山西巡撫咨稱該撫具奏晉省通籌京協餉項及部撥各款不敷接濟擬抽釐稅以應要需一摺奉 上諭英桂奏山西省連年籌解京協餉項及部撥各款爲數甚鉅白疊次捐輸之後未能踴躍惟有抽收釐稅尚可酌盈濟虛著照

所請除有開民食及零星販賣者均無庸抽收
其餘當酌緩簡明章程分別省內省外慎選委
員責成地方官妥爲經理毋許扣勒滋擾並嚴
查影射侵漁之弊庶不致有名無實等因欽此
由該撫恭錄
咨行該撫卽將簡明章程報部其所收銀兩按
三箇月一次造冊送部並將總數歸入春秋撥
冊新收項下以備撥用行令遵照在案嗣因王
大臣會議洋藥收稅章程推行各省關照上海
一律輸課水路每百斤收稅銀三十兩旱路每
百斤收稅銀二十兩及所收洋藥釐捐銀兩均
按三箇月報解部庫不準留抵別項並推行湖
北收稅抽釐章程通飭各省參酌聚議先後奏
準通行各在案茲據該撫奏稱本年正月試辦
釐捐省城設立總局各路設卡如槐樹鋪茅津
渡磧口鎮圻口關車鎮東陽關風陵渡等七處
係入境出境要隘並附近小口設立稽查分卡
臣等嚴其所奏係爲扼要抽釐力杜偷漏起見

至奏稱所收釐銀以九成作為報解正項以一成作為外銷辦公經費一節查抽釐之弊在於微多報少及額外需索該省既以九成報解一成外銷固不得於額收釐銀之外藉詞加耗浮索絲毫亦不得於應解正項之內任意開銷致使釐稅正款有名無實至洋藥一項據奏稱抽釐總卡七處礦口風陵兩卡鄰近陝省時有西來藥料進口報釐其餘槐樹鋪等五卡並無藥料進口即有攜帶不達礦口風陵兩卡十分之一等因查西路出產藥料即與洋藥無異現在準商販通行售賣何以槐樹鋪等五卡進口甚少殊難憑信難保無胥役縱庇卡員捏飾等弊應令該撫嚴查密訪無任搪塞如有前項情弊即行從嚴參辦至奏請自來年正月為始將礦口風陵各卡改釐為稅按照陸路稅則無論洋藥西藥每百斤抽銀二十兩藥膏加倍抽收聚於奏定章程尙屬相符應準其照辦惟所收銀兩不得與別項貨物牽混亦不得與洋藥釐捐

歸併計算每屆三箇月即將稅銀造冊報解不
準留抵別項以濟京餉其本年設立釐局起截
至年底止暫照該撫前奏章程辦理統共洋藥
及各項釐銀若干分別管收除在年終造具細
冊報部毋得延宕所有來年正月起除洋藥稅
銀另冊專案報解外其各卡所收別項貨物釐
銀照常抽收亦應照臣部前咨按限造報以備
稽覈該省協饒爲數甚多所收別項釐銀與洋
藥稅銀無涉準其爲協饒之用又奏稱洋藥
進口納釐之後仍其落地行銷處所抽釐一次
查該省設卡處所地當要隘尙易稽查至落地
行銷分運各州縣鄉村鎮散漫難稽易致趨
避應如何妥議章程嚴防走私該撫並未議及
現在京城崇文門稅設立商行給發紅單議
定互相稽覈章程應由臣部鈔錄咨行該撫詳
細參酌奏明辦理其所稱本地間有栽種罌粟
者飭令地方官驗明畝數計其藥料收成多寡
令於完納正賦之外照章納釐查臣部議覆伊

犁將軍札拉芬奏變通洋藥徵稅摺內議令無
論內地口外地畝業已陞科納糧者即使栽種
罌粟照原定納糧科則完納正賦仍於設卡處
所抽釐報稅應令查照辦理毋得按畝抽收以
杜胥吏訛索滋弊○又查咸豐十年三月戶部
奏覆巡撫英桂奏礦口風陵兩卡改釐為稅一
摺咸豐十年二月二十四日奉 硃批戶
部覈議具奏欽此欽遵據原奏內稱前因奏準
試辦釐捐將礦口風陵二卡抽收藥料查晉省
商貨往來均用馱載腳重利微是以洋藥來晉
者甚少至西產藥料來自陝省悉由礦口風陵
兩卡入境在該二處設立稅卡無論洋藥西土
每百斤抽釐二十兩藥膏加倍抽收當即通飭
槐樹鋪等五卡嚴密盤查驗無礦口風陵兩卡
稅票即將該商押赴稅卡完稅仍一面出示曉
諭使各商知所畏懼至西藥料落地抽釐各州
縣鄉村誠為散漫無稽擬仿照崇文門收稅章
程編列第次發給印票註明商販姓名藥料斤

數販往何處一面移會行銷處之地方官按號
稽查令各商將稅票呈驗始準銷售如無稅票
亦押令赴卡補交稅銀其本地栽種罌粟原定
章程令各州縣驗明畝數收成多寡於完納正
賦外按釐捐每百兩抽銀七錢二分原以本地
藥料零星栽種隨時售銷不必盡由稅卡進口
若照部議於設卡處抽釐報稅未免遺漏且上
年各州縣查辦栽種藥料釐銀再四訪查尙無
滋擾似應仍照舊章辦理又查抽收釐銀均以
九成作為正項一成作為辦公此次風陵磧口
兩卡所收稅銀儘數報解擬請於每百斤抽正
稅二十兩之外加收二兩以資辦公於本年三
月初一日起改釐為稅等語臣等伏查前據山
西巡撫奏請設立洋藥釐稅當經臣部議令該
撫妥定章程嚴防隱漏槐樹鋪等五卡如何稽
查不致走私本地栽種罌粟仍於設卡處抽釐
報稅毋得按畝徵收以杜胥役訛詐奉
旨依議在案茲據該撫奏稱磧口風陵二卡洋

藥稅則仿照崇文門湖北省章程發給稅票每
藥百斤抽稅銀二十兩外加收銀二兩以爲公
費槐樹鋪等五卡均須驗有礦口等處稅票始
準放行如無稅票押令赴卡報稅所議章程尙
爲周密應如所請辦理儻有徵多報少以及任
意勒索浮收等弊立即嚴參懲辦毋稍徇隱每
卡每月應用公費若干宜酌定數目咨部如有
盈餘仍應歸公報解至本地栽種罌粟一節據
該撫奏稱仍應驗其畝數收成多寡於完納正
賦之外照章抽釐臣等查栽種罌粟地畝之廣
狹與收成多寡豈能處處查驗且有本年種罌
粟而次年種五穀者更有頻年種五穀而偶然
種罌粟者又豈能年年察勘屢屢改徵其中胥
役舞弊高下其手或藉端加派或縱容漏賦均
難保其必無應令該撫遵照臣部前議仍按土
藥章程遇卡抽釐逢關報稅毋得按畝抽收以
安農業而免滋擾臣等再查同一洋藥而外來
者則有稅而無釐於土產者則有釐而無稅辦

理未能盡一卽易啟含混之端所有洋藥一項
無論本地外來均應抽釐納稅以昭畫一
所收銀兩不得與別項貨物牽混每屆三箇月卽行
造冊報解本省不準動用仍分別稅銀若干釐
銀若干年終造具總冊報部稽查以昭覈實○
又查咸豐十年巡撫英桂批准籌餉局詳各州
縣坐賣藥料均應入行銷售準行頭於坐賣藥
料每百兩除釐銀外另收行用銀一錢六分○
又查同治元年四月巡撫英桂批准籌餉局詳
嗣後各卡各屬查獲行商坐賣藥料稅之案
查照照稅定律將藥料貨物追罰一半入官一
半給還本人仍於一半入官物內以十分爲率
七分充公三分充賞○又查光緒八年十月巡
撫張批承和縣稟查湖北釐章罰款半歸
公半充賞可爲成式此後應一律改於罰半充
公之中以一半解局一半充賞仰籌餉局迅卽
轉飭該縣並飛速通飭各州縣關卡遵照○又
查光緒十一年六月戶部議奏署理巡撫奎斌

奏晉省釐捐前經奏明於省城設立籌餉局派員總司其事於四路各隘口共設總卡七處委員經收其偏僻小徑添設分卡以杜偷漏至坐賣藥料釐捐責成各州縣經收不支經費所有各局卡應支費用於釐捐項下酌提一成藥稅每百斤於交正稅銀二十兩外加收銀二兩計亦十分之一溯自咸豐九年開辦以迄光緒二年每年所收釐稅多或十六七萬兩少則十三萬兩不等迨光緒三年大祲行商裹足坐賣滯銷正項既減公費愈絀不得不將各路添設分卡裁併以節浮糜不期公費勉足支銷轉致釐稅減色前撫臣張之洞查節年收數歲僅六七萬兩實屬不成事體嚴行整頓派員查訪實緣晉省山徑叢雜偷漏更多爰將各卡一律分設並各州縣經收坐賣亦均派員會同稽徵一經布置九年分釐稅兩宗共收銀十八萬兩十年分共收銀二十一萬兩有奇收數暢旺實得力於添設各卡暨改派委員應需經費為數較多

且京官津貼亦議於釐金公費項下動支釐金
公費一成斷然不敷惟有據實縷陳懇準自光
緒九年分起實用實銷不過二成並將藥稅加
收公費收歸正項統於通年收款內按實開支
等語臣等伏查晉省釐捐自咸豐九年開辦以
來坐賈釐稅歸各該州縣就近徵收不支經費
行商藥稅及百貨釐金奏明於水陸各隘口分
設卡局委員徵收其釐金則按通年收數酌提
一成藥稅則於每百斤交正稅二十兩外加收
二兩統作各局卡薪工一切雜費之用遵行已
久未有以公費不敷請者竊維公費之盈虛視
收數之多寡收數日有起色則一成公費亦隨
之而增考從前極旺年分收正項十六七萬兩
應提一成公費銀一萬六七千兩光緒十年分
正項收至二十一萬餘兩應提一成公費銀二
萬一千餘兩覈計現在應提公費較從前多至
四五千兩卽於總卡之外添設徵驗分卡多需
經費當不至大相懸殊惟據奏稱各州縣經收

坐賈釐稅假手幕胥最易侵漁委員會徵需費較多光緒九年又添京員津貼一款亦議於釐捐公費項下按年動支若仍統提一成斷然不敷等因嚴其所奏與無故請加公費者不同且查現在收數倍增於前洵爲委任得人著有成效外用公費不敷自應量予加增以資辦公然驟於舊章一成外按通年收數再提一成則現時多收之項半歸外銷不惟於舊章不符亦恐開他省踵行之漸臣等公同酌定該省釐捐藥稅自光緒九年以後無論收數比從前如何暢旺除照從前極旺年分收數十七萬兩仍按舊章提出一成外其十七萬兩以上多徵之項擬請準其於舊章一成之外按多收之數再提一成作爲外銷公費至謂藥稅加收公費一律收歸正項照釐捐例統於通年收款內按實開支俾免分歧一節應如所奏辦理再查該省咨送光緒三年至八年釐金銷册列有未完款項商賈交納釐稅向無帶欠各該卡暨該州縣經收

各員自應隨徵隨解何得從中挪動應令該撫不時訪察經收各員如有欠解卽行撤委勒追逾限不完從嚴參辦並令自光緒九年以後報部銷冊不準再列委員欠款以杜虧挪○又查光緒十一年九月戶部議奏署理巡撫奎斌奏釐金公費照部議覈計仍屬不敷支銷覆陳實在情形一摺光緒十一年八月十三日軍機大臣奉 旨戶部議奏欽此鈔交到部臣等伏查晉省釐稅光緒四五等年收數日絀經前任撫臣張之洞查看情形添設分卡派員稽徵九十兩年收數果見暢旺經該署撫因原定一成公費不敷於本年六月間奏請加給外銷成數奉 旨交議當經臣部詳覈所奏事出有因議令光緒九年以後無論收數如何暢旺除照從前極旺年分十七萬兩之數仍按舊章提出一成外其十七萬兩以上多徵之項準於舊章一成外再提一成作為外銷公費等因奏準行知遵照在案茲復據奏稱光緒九年分實銷公

費暨京員津貼銀三萬一千二百六十兩零照部議應提公費計不敷銀八千五百二十七兩零十年分實銷公費暨京員津貼銀三萬二千九百二十六兩零照部議應提公費計不敷銀六千一百九十五兩零其款業經按月開銷實係無法籌補可否準照前請實用實銷不得過二成抑或查照光緒九十兩年實銷銀數卽以一成五釐爲斷等語查各省釐捐藥稅外銷公費從未有過一成者今該署撫滙陳九十兩年釐稅之所以暢旺部議公費之所以不敷臣部似未便拘執前議致辦公竭蹶將來收數短少有所藉口然九十兩年歲支局卡公費暨京員津貼現經該署撫聲明確數則光緒十一年以後收數比九十兩年卽倍形暢旺亦不至再增支款所請二成一成半之數實礙難準其逐層照扣開他省踵行之漸臣等悉心查覈與其酌加歲數有違舊章不如明提公費俾無流弊嗣後釐稅兩宗如收數在十八萬兩至二十一萬

兩以上者在晉省卽爲整頓釐稅著有成效擬請準其於舊章一成外由正款內提出銀一萬兩彌補一成公費不敷之用如收數在十七萬兩左右仍令照舊章提用一成不準多支以示限制似此變通辦理因收數多而明提公費既非更易舊章於該省整頓釐稅亦毫無滯礙斯爲兩全之道至光緒九十年該省釐稅兩宗統共收銀四十一萬七千餘兩開銷公費暨京員津貼共銀六萬四千餘兩比此次部定準提銀數多支銀二千餘兩本應刪除此次部定準提設局卡力杜偷漏祇期釐稅暢旺未遑計及一成公費是否敷用所奏尙屬實情且收數比從前倍增多支銀兩又在此次部定新章以前應請準其照數開銷嗣後應卽遵照部定新章不準絲毫逾違○又查光緒十二年九月二十八日巡撫剛奏準竊臣準戶部咨光緒十二年六月十三日議奏晉省前陳利弊大端一摺令將土藥釐金或於行銷處所從重加徵或仿照

甘省章程藥釐之外加抽膏釐等因奏奉

諭旨依議欽此欽遵咨行到臣遵查晉省距海

較遠洋藥一項向無大宗土藥之自外來者陝

甘爲最豫省次之疊經前撫臣奏定章程入口

時每百斤抽銀二十二兩又於落地時每百兩

抽銀七錢二分合併計之每藥料百斤共抽銀

三十三兩五錢二分然較之甘省每百斤抽銀

五十兩之數已屬輕減而本地所產藥料僅納

落地釐金每百兩抽銀七錢二分尤不免畸輕

畸重之弊臣與籌饒局司道酌議其自外省來

晉省者無論洋藥土藥入口時每百斤抽銀三

十兩再於落地時每百兩抽銀九錢三分八釐

如係本地所產販運本省售賣者於起載處所

每百斤抽銀三十兩再於落地行銷處所抽銀

九錢三分八釐合併計之每藥料百斤共抽銀

四十五兩較之甘省釐則不甚懸殊如有本地

販運出省比照外省入口章程於出口釐卡每

百斤抽銀三十兩以昭平允其熬膏之戶從前

樹不收釐然正釐既加難保奸商不避重就輕
陽託熬膏之名陰遂漏釐之計擬請不論廣膏
土膏凡外省入口本省起載時均按一百兩抽
銀三兩七錢五分落地行銷處所每百兩抽銀
二兩二錢出口膏釐亦照入口抽收如此辦理
庶正釐既免漏卮而種煙利微仍於禁種之意
不相背謬○又查光緒十二年十一月初三日
戶部咨查四川夔關每年徵收藥釐按四季造
冊報部候撥今山西省將徵收藥膏兩項釐金
奏咨立案自應一律辦理應令將該省各屬徵
收藥膏兩項釐金仿照夔關按四季造冊
報部聽候撥用不準擅行動支以符奏章

晉政輯要卷之十三

戶制

錢法一

採辦紅銅○採辦白鉛○採辦黑鉛
○查報秤餘銅鉛及未用補色銅○
淘鍊渣銅○收買小錢

凡寶晉局採辦紅銅由曲沃縣商人聽便前往

江蘇漢鎮漢中等處採買

會典內載雍正七年
戶部題準山西收買

銅器鼓鑄○

又載乾隆十二年採買紅銅配搭

鼓鑄○

卷查乾隆十三年巡撫準奏奏準招募

一二殷商辦銅供鑄○

會典內載乾隆十七年

戶部覆準山西鼓鑄需用銅鉛點錫委官赴漢

採買○

卷查乾隆二十一年設鑪十一座歲需

銅二十萬斤由各州縣各舉辦商一二名至五

六名不等○又查乾隆四十六年戶部覆準巡撫雅德咨布政使詳陽曲等縣辦銅商人王慎中等呈以晉局銅斤奏準每年額定十萬斤祇須身家殷實熟悉銅務商人二三名足敷辦理茲有曲沃縣商人周樹周達高平縣商人李連三名俱堪承辦懇請令其領銀聽便前往江蘇漢鎮漢中等處採買年清年款運局供鑄將來除該商力乏許其告退另舉未便任意更換致易生手○戶部則例內載山西銅商定額二名○查咸豐初年曲沃縣商人周鵬年周繼祖二名承運嗣周鵬年病故經過各關免其納稅未報接充現在銅商一名經過各關免其納稅會典內載乾隆十七年戶部奏準山西商人採買銅斤沿途經過各關照例免稅每案採辦正銅八十萬斤餘銅八萬斤分作二十運每運正銅四萬斤餘銅四千斤每年辦交兩運

共正銅八萬斤餘銅八千斤二十運十年辦竣
會典內載乾隆十七年戶部覆準山西鼓鑄歲
需銅七十萬斤交商分五年辦運○又載是年
戶部奏準山西商人赴江南湖北採買銅斤水
陸程途不無折耗請每一萬斤帶買餘銅一千
斤以備添補如有多餘仍作正銅交收○卷查
乾隆二十一年設鑪十一座歲需銅二十萬斤
五年一次招商承辦銅一百萬斤分作五年運
交○又查乾隆三十五年巡撫鄂寶奏準招商
辦銅一百萬斤分作五年運交○又查乾隆三
十六年戶部議覆護撫朱珪奏以錢價平減停
鑪五座留鑪六座不必仍照五年成例採辦○
又查乾隆四十三年巡撫巴延三奏明招商辦
銅一百萬斤仍分作五年運交○又查乾隆四
十五年戶部議覆巡撫雅德奏前撫巴延三奏
前項招商承辦銅斤內頭運二十萬斤已經二
載尙未全交計晉省現設鑪六座每年需銅十

萬八千斤查錢局尚有舊存餘銅三十三萬餘斤每年買銅十萬斤足供鼓鑄除將頭運未完銅斤催於本年交清外其二運銅斤即飭商人照數辦運自四十六年為始每年準令商人購交銅十萬斤以資鼓鑄○又查乾隆五十五年奏辦銅一百萬斤分作二十運每運正銅五萬斤餘銅五千斤○又查嘉慶五年奏辦銅一百二十萬斤分作二十運每運正銅六萬斤餘銅六萬斤○又查道光元年奏辦銅九十四萬斤計六萬斤七運每運正銅六萬斤餘銅六千四萬斤十三運每運正銅四萬斤餘銅四千斤○又查道光八年奏辦銅八十萬斤分作二十運每運正銅四萬斤餘銅四萬斤每正銅百斤銷價銀一十四兩

貼價銀一十八兩共銀三十二兩

內銷價銀一十四兩上同

庫地丁項下動支貼價銀一十八兩在司庫銅本生息項下動支每餘銅百斤

補價銀一十四兩貼價銀一十八兩共銀三十

二兩均在司庫銅本每運正銅四萬斤銷價銀生息項下動支每運五千六百兩貼價銀

七千二百兩餘銅四千斤補價銀共銀一萬四五百六十兩貼價銀七百二十兩

千八十兩每年兩運共正銅八萬斤銷價銀一萬一千二百兩貼價銀一

萬四千四百兩餘銅八千斤補價銀一千一百二十兩貼價銀一千四百四十兩共銀

二萬八千一百六十兩每十年二十運共正銅八十八萬

斤銷價銀一十一萬二千兩貼價銀一十四萬四千兩餘銅八萬斤補價銀一萬一千二百兩

貼價銀一萬共銀二十八萬一千六百兩會典內載

乾隆十七年戶部遵

旨議定山西鼓鑄

需用銅斤招商承辦按年領價購買照西安保定商辦洋銅之例每一百斤給價銀一十四兩按每年應辦之數先給價銀三分之一餘俟銅斤交足找領○戶部則例內載山西銅價銀係動地丁正項○卷查乾隆四十七年戶部議覆巡撫雅德奏晉省鼓鑄銅斤向來辦理章程係於各州縣中保舉殷戶酌認數目公同協辦該商等於原領例價外俱預爲撥湊幫費銀兩以資貼補乾隆四十三年又屆應買之期前撫巴延三奏明招商採買銅一百萬斤該商等仍照舊章湊銀三十萬有零迨至四十五年兩運銅斤尙未交全而貼費已用至九萬餘兩目下雖有餘存數年用完又需撥湊實非經久之計隨與兩司籌酌該商等買銅幫費行之已久殊難裁減若每次撥湊亦屬擾累現在各戶預湊幫費除用外尙存銀二十萬九千六百餘兩卽以此項銀兩交商生息自可源源接濟當卽令其

解交藩庫撥銀二十萬兩分發各屬與商承領
營運按月一分納息每年得息銀二萬四千兩
卽以所得之息作爲辦銅貼費查每年額買正
銅一十萬斤例價銀一萬四千兩餘銅一萬斤
例不給價今請仍照該商等公貼成數每正銅
一斤貼銀一錢八分餘銅一斤補給價銀一錢
四分貼銀一錢八分按照每年額辦正餘銅一
十一萬斤共需銀二萬一千二百兩尙餘贖銀
二千八百兩存司以備添鑄加鑄仍作辦銅貼
費之用其每年本息動存各數報部查核○又
查道光二十三年戶部咨每銀一兩減六分平
給發○又查咸豐七年戶部咨自咸豐八年
起每銀一兩扣三成給發所扣銀兩作爲京中鈔
本○又查光緒三年戶部奏準巡撫鮑源深咨
據商人周繼祖以應辦銅斤價昂費繁若扣三
成減平實屬賠累况現係全動商捐銅本生息
與正款不同懇請免扣三成減平所有寶晉局
商辦正餘各銅斤價值津貼銀兩統令在於庫

存商捐生息項下動支無庸核扣三成減平惟
不準動用地丁正款且現在該局僅以兩鑪開
鑄是以暫準免其扣減嗣後該局如果增開鑪
座或各路銅斤價值較賤該司庫所存商捐生
息銀兩不敷支發勢必動用地丁正項其價銀
貼費應否核減三成減平之處仍須據實奏報
核或由委員赴天津試辦洋銅 卷查光緒十年
辦撫奎 杏升任巡撫張 以晉省採辦銅
斤由山西至漢口陸路遙遠運費繁多委員赴
津查明洋銅價值合計運腳所省不貲當經咨
請直隸總督李鴻章轉飭招商局委員妥為訂
購札委候補知府楊玉書赴津聽候指示除俟
辦運到晉再將細數詳報等因查山西寶晉局
鼓鑄錢文需用銅斤向由額定銅商按年領價
採買運局供鑄每辦銅百斤例銷價銀一十四
兩又每斤貼銀一錢八分其價銀係動用地丁
正項其貼銀係在商捐發商生息銀內動支歷

經辦理在案茲據咨稱督辦採辦銅斤由山西至漢口陸路遙遠運費繁多委員赴津查明銅價值合計運腳所省不貲如果訂購洋銅每百斤應需銅價運腳等項銀兩較例銷銀數節省再行試辦儘與例銷銀數較多仍應照例飭商採買每案辦銅若干斤

需價腳銀若干兩未定額○採辦白黑鉛斤由

陽曲縣招募商人承辦或赴漢鎮官局採買或

由各省零星收買聽其自便

戶部則例內載貴州福集蓮花等廠

採辦白鉛委員運赴湖北漢口以供山西等省採買○卷查道光二十五年戶部議覆巡撫梁夢函奏寶晉局鼓鑄錢文向以三色配鑄紅銅歷係招商承辦白黑鉛委員赴楚採買而往返經年運腳繁重改照買銅之例亦歸商人承辦或赴漢鎮官局採買或由各省零星收買聽其

自便○又查是年戶部覆準巡撫梁夢涵咨布政使詳陽曲縣詳本縣民人生員王良玉情願應商承辦實係家經過關口照例免稅卷查道道股實堪以充商五年巡撫梁夢涵咨明湖廣等省督撫行文經過關口照例驗照免稅每案採辦

白鉛六十三萬三千三百三十三斤五兩二錢
零黑鉛四萬八千一百四十八斤二兩三錢零
分作四運每運白鉛一十五萬八千三百三十
三斤五兩三錢零黑鉛一萬二千三十七斤五
錢零限一年交局四運十年辦竣每白鉛百斤
銷價銀四兩二錢三毫三絲九忽八塵腳價銀

一兩七錢五分三釐共銀五兩九錢五分三釐

三毫三絲九忽八塵

在於地下
項下動支

幫費銀二兩八

錢

在於節省辦銅
幫費項下動支

每黑鉛百斤銷價銀三兩七

錢九分零腳價銀一兩七錢五分三釐共銀五

兩五錢四分三釐零

在於地下
項下動支

幫費銀二兩八

錢

在於節省辦銅
幫費項下動支

每運白鉛一十五萬八千三

零銷價腳銀九千四百二十六兩一錢一分九

釐五毫八絲八忽零幫費銀四千四百三十三

兩三錢三分三釐二毫七絲五忽黑鉛一萬二

千三十七斤五錢零銷價腳銀六百六十七兩

二錢一分二釐六毫四絲二忽零幫費銀共銀

三百三十七兩三分六釐八毫七絲五忽

一萬四千八百六十三兩七錢二釐三毫八絲

零每十年四運

共白鉛六十三萬三千三百三十三斤五兩二錢零銷價腳銀

三萬七千七百四兩四錢七分八釐三毫五絲

二忽零幫費銀一萬七千七百三十三兩三錢

三分三釐一毫黑鉛四萬八千一百四十八斤

二兩三錢零銷價腳銀二千六百六十八兩八

錢五分五毫六絲八忽零幫費銀一千

三百四十八兩一錢四分七釐五毫 共銀五

萬九千四百五十四兩八錢九釐五毫二絲零

卷查乾隆十八年申明鼓鑄成例十九條內開
銅鉛到晉由布政使委員驗收貯庫旋因由庫
運局多廉腳價詳明嗣後委員商人辦運到晉
飭廳公平驗兌屆期翼甯道親按錢局驗收數
秤以免在局匠役刁難需索高下滋弊該廳兌
收清楚出具實收報單道移司轉呈應用天平及

大小秤仍於司庫查出發局備用○會典內載
乾隆四十七年戶部奏準貴州黑鉛按年撥運
十萬斤帶解漢口以備各省採買每一百斤定
價銀三兩七錢九分有奇○又載嘉慶八年戶
部題準貴州運漢售供各省白鉛因課納河新
廠程途較遠酌增運腳每一百斤合價銀四兩
二錢三毫三絲九忽八塵令各省照此齊價採
買○卷查道光二十五年戶部議覆巡撫梁萼
函奏寶晉局鼓鑄錢文向以紅銅白黑鉛三色
配鑄每屆十年採辦一次紅銅應係招商承辦
白黑鉛分作四運委員赴楚採買其頭二兩運
業經委員辦運供鑄在案所有應買三運白鉛
一十五萬八千三百三十三斤零黑鉛一萬二
千三百七十七斤零局中需用孔亟即應委員赴楚
採買惟查白鉛每百斤例價銀四兩二錢零黑
鉛每百斤例價銀三兩七錢九分零白黑鉛每
百斤運腳銀一兩七錢五分三釐又因腳價不
敷奏準在於節省辦銅幫費項內每百斤酌幫

給銀二兩而歷次辦鉛委員往返經年運腳繁
重賠累難支除領例幫價外又另册銷雜
費等項銀二三千兩不等均在地丁內支給因
思寶晉局需用銅斤向係商人承辦從無貽誤
銅鉛事同一律所有三運鉛斤改照買銅之例
亦歸商人承辦較爲簡便惟晉省鉛斤現在價
值昂貴例幫腳價俱不敷用商人辦用維艱應
每百斤於節省辦銅幫費項下酌增銀一兩作
爲每百斤幫給銀三兩令該商等採買足敷價
腳不致賠累所有請銷雜費等項承行停止如
此核計較之委員採辦每運可節省地丁銀二
三千兩等語查寶晉局需用銅斤向係商人承
辦並無貽誤今該撫請將鉛斤改照買銅之例
亦歸商人承辦事屬可行惟據稱每百斤酌增
幫費銀一兩所有官辦請銷雜費承行停止每
運可節省銀二三千兩查每百斤增銀一兩計
每運需銀一千七百餘兩核與歷案委員辦鉛
所銷雜費有減有浮未見實能節省確加給條

出辦銅幣費而幫費所贖應歸報撥卽與正布
無異應令該撫再行實求撙節以重經費○又
查是年戶部覆准巡撫梁萼福咨布政使詳屬
曲縣生員王良玉實係家道殷實堪以充商所
有應領例幫價腳之外每百斤酌增銀一兩共
應領加增幫費銀一千七百三兩七錢四釐現
奉部飭刪減於無可節省之中每百斤減銀二
成共減銀三百四十兩七錢四分二釐實領銀
一千三百六十二兩九錢六分二釐較原議之
數稍爲節省應如所咨辦理○戶部則例內載
各省委員採買鼓鑄銅鉛應需運腳雜費銀兩
於起程時先行放給七入成其餘二三成扣留
藩庫俟部覆準銷行知之日再行放給儘起程
之日全行放給設遇事後咨追無著卽將溢放
之員一體攤賠如每案有存賸鉛斤歸於下案抵作正
體攤賠

數
卷查光緒元年巡撫鮑源深咨布政使詳冀
甯道咨太原府同知安頤詳報自道光二十

七年起至同治十三年止本案正案銅斤全數
用竣存膜白鉛一十二萬六千五百七十八斤
四兩二錢一分八釐黑鉛八千五百四十一斤
一十二兩六錢三分五釐歸於下案抵作正數
配○查報秤餘銅鉛及未用補色銅各若干視

正案銅鉛多寡鑄竣查報無定額如餘鉛不敷

配鑄借動舊案鉛斤卽作正開銷借動新案鉛

斤下次帶買還項

卷查乾隆五十八年太原府同知王正常詳冀甯道內開

戶部咨山西商人周達周汾各辦到正銅五萬
斤餘銅五千斤其餘銅係奏明除補秤外如有
多餘收作下運正銅之數該商所辦正銅驗明
均九九五成色辦到餘銅除各補色銅二百五
十一斤四兩一錢一釐其餘銅斤會否兌收歸
入何款未據聲明應查明分析報部遵查實督

局兌收商人周遜周汾辦交五六運正銅各五
萬斤帶買餘銅各五千斤係該商慮及沿途搭
槓折耗故每運正銅五萬斤外帶買餘銅五千
斤以備添補秤頭折耗之用各運到時同商驗
色秤收除收足正銅各五萬斤及例補秤餘銅
各一千斤並應交補色銅數外如有多餘收作
下運正銅之數儼有不敷歸於下運帶買還項
此商運銅斤向來辦理之章程也除用正額鼓
鑄所有補色及秤頭銅斤向係統俟鼓鑄正銅
全數鑄竣澈底清查造冊歸於積存餘銅案內
報銷○又查道光二十七年巡撫王兆琛奏準
搭鑄餘銅借動舊案存贖鉛斤作正開銷毋須
帶買借動新案鉛斤俟下次採買時動用鼓鑄
盈餘銀兩照數帶買還項○又查咸豐五年工
部咨覆巡撫王慶雲咨曲沃縣報解該縣商人
周繼祖採買應交正銅四萬斤餘銅四千斤到
省當經太原府同知沈樂生同商驗明係○淘
九九五成色另收補色銅二百一斤八分○淘

鍊渣銅三年一次淘銅若干視鑪座多寡無定

額卷查乾隆十八年申明鼓鑄成例十九條內開上屆鼓鑄經理周詳內有節省錢文以及

淘出鉛錫雜銅業蒙奏明節省銀兩歸入鼓鑄

盈餘項下備充公用淘出鉛錫雜銅歸入此項

鼓鑄配用報銷在案應飭在局官員將所用物

料核實無浮一切渣屑淘洗淨盡以期積零成

總俾有盈餘○又查同治十三年巡撫饒源深

批准布政使詳冀甯道咨署太原府同知安陝

詳竊照寶晉局安設鑪座鼓鑄錢文每屆三年

將局內積存爐灰渣土覓工海鍊一次鍊出渣

銅照數易動淨銅借配鉛斤鑄出錢文解儲道

庫同三年內收存節省錢文一併易銀詳請奏

報懇經遵辦在案茲查上屆海鍊局內鍊灰渣

土係截至咸豐四年正月二十日止嗣自咸豐

四年正月二十一起至咸豐六年六月二十

七日奉文停鑄未滿三年未曾海鍊茲又自同

治十二年六月初九日開鑄起至十三年正月十一日止前後統計已滿三年所有局內積存鑄灰渣土例應覓工淘鍊共淘鍊出蹄銅二千九百六十斤 每百斤給淘鍊

工價銀四兩二錢照市價合錢發給

由本款鑄出錢文內

動支○卷查同治十三年巡撫鮑源深批准布政使詳冀甯道咨署太原府同知安頤詳查上次淘鍊渣銅每百斤給淘鍊工價銀四兩二錢每兩照依市價合錢二串二百三十五文共用工價錢三百六串一十六文彼時因局庫無項墊給詳準在於道庫收儲節省物料錢文項內先行借動俟將前項渣銅鑄成錢文即行照數歸款今次淘鍊渣銅應需工價錢文局中仍無項墊給擬請援照上次成案在於道庫收儲節省錢文項內先行借動錢二百串文○又查是年巡撫鮑源深批准布政使詳冀甯道咨署太原府同知安頤詳茲淘鍊出蹄銅二千九百六

十斤每百斤照例應給工價銀四兩二錢共該銀一百二十四兩三錢二分按照歷次成案均照陽曲縣時估合錢給發此次每銀一兩按照陽曲縣時估合錢二千二百四十三文共合錢二百七十八串八百五十文所有淘鍊工價尙應找領錢七十八串八百五十文伏候仍在庫儲節省物料錢文內給發俟將淘出渣銅按卯搭鑄錢文即將此次先後承領錢文一併解還歸款再淘鍊渣銅每次多寡不一陽曲時估長落不定是以此次核給淘鍊工價錢文與上次數目不能符合出運廢土車腳無定數

由本款鑄出錢文內動支○卷

查咸豐五年戶部覆準巡撫恒春咨布政使恒福詳冀甯道咨太原府同知沈巢生詳實晉局自咸豐元年正月二十一起至四年正月二十日止積存鑪灰渣土已滿三年覓工淘洗共鍊出渣銅三千二百六十斤歸於正案銅斤內陸續按卯搭鑄仍於正案銅斤內易動淨銅三

千二百六十斤借配正案白鉛二千五百八十八斤十三兩零借配正案黑鉛一百九十六斤三兩零共合銅鉛六千三十七斤零按照正鑄之例除折耗外該淨銅鉛五千四百九十三斤十一兩零每錢一文鑄重一錢共應鑄錢八百七十八串九百九十二文內應除給鑄錢工料錢一百七串八百八十二文二分一釐零海銅工價錢三百六串一十六文出運廢土車腳錢七串四百文實存錢四百五十七串六百九十三文七分八釐零解交道庫易銀造報如借配舊案白黑鉛扣留腳價銀兩解司報撥毋庸買還其借配正案白黑鉛扣留腳價銀兩俟採買鉛斤時照數買補還款○收買小錢由各屬買解司庫發局

搭鑄每斤給價制錢六十文

由司庫借款動支俟本款鑄出錢文

歸還○卷查乾隆五十六年布政司札太原府同知李汝楫欽奉 上諭各省商民攪和

小錢行使殊干禁例自應實力收買淨盡欽此
當經本司等會議章程詳請分行設局按買小
錢一斤給制錢一百文實力收買解司查收給
價發局改鑄制錢歸款報部核銷歷經遵照在
案今查節據各屬摺報陸續收買小錢二萬餘
斤合行飭發一萬斤仰即具領改鑄○又查嘉
慶三年布政使賀長庚札太原府同知趙

欽奉

上諭收買小錢奏定按每小錢一

斤給制錢六十文解司查收給價發局銷鑄改
鑄制錢歸款報部核銷等因遵照在案今節據
各屬摺報共計收買小錢一萬八百餘斤已領
據解到一萬斤仰即赴司請領先行改鑄

運小錢車腳無定數

由本款節省物料錢文內
動支○卷查乾隆六十年

兼署太原府同知姚

批解節省物料錢文

內開每小車一把推小錢三百八十斤腳費錢

六十文由此項

錢文內動支

錢法二 鼓鑄錢文

凡鼓鑄錢文於省城設局名曰寶晉

通志內載順治十年

前錢背無文

○會典內載順治十年

各省鑄造

制錢背鑄一釐兩漢字

各增本省一字

太原原

字○又載雍正七年山西開

局鼓鑄背鑄寶晉二清字

安設鑪座增減無

定

會典內載順治二年山西省城開鑪鼓鑄○

又載順治十四年停止○又載順治十七年

開鑄○又載康熙元年停止○又載康熙六年

開鑄○又載康熙九年停止○又載雍正七年

開鑄○又載雍正九年停止○又載雍正十三年

年開鑄旋即停止以上鑪座多寡未詳○卷查

乾隆十四年開鑄設鑪十座○又查乾隆十六

年停止○又查乾隆十八年開鑄設鑪六座○

又查乾隆二十一年添鑪五座設鑪十一座○

又查乾隆三十六年減鑪五座設鑪六座○又

查乾隆五十九年減鑪二座設鑪四座○又查乾隆六十年停止○又查嘉慶元年開鑪設鑪六座○又查嘉慶二十五年減鑪二座設鑪四座○又查道光二年停止○又查道光九年開鑪設鑪四座○又查道光十一年停止○又查道光二十三年開鑪設鑪四座○又查咸豐六年停止○又查同治十二年開鑪設鑪二座○又查同治十三年停止○又查光緒十年巡撫張委員赴直隸天津訂由冀甯道稽查太購洋銅仍開鑪兩座試鑪

原府同知監鑄戶部則例內載山西寶晉局令冀甯道稽查於佐貳內選委監鑄官一員○卷查雍正七年委太原府通判監鑄○又查乾隆十八年署理巡撫胡寶瑤批准藩司冀甯道會詳改委佐雜一員監視卷查乾隆十八年署理巡撫胡寶瑤批准藩司冀甯道會詳鑄錢文申明鼓鑄成例十九條內開局內工料

人役繁雜通判一員恐有查察不週從前詳派
佐雜一員在局監視各鑪供役察驗遞送物料
並查煤米菜蔬以防夾帶今次仍應請派佐雜
一員○向章或委太原府首領或委候補佐雜
人員由太原設書識一名卷查乾隆十八年申
府同知詳委一名明鼓鑄成例十九年申
內開局內設書識一名專司登記逐日一切
事件覈算數目並經理鼓鑄文移應辦各務局
快三名卷查乾隆十八年申明鼓鑄成例十九
入搜檢晝夜把門太原營兵四名卷查乾隆十
上宿以資防範
鑄成例十九條內開局外巡查係太原營派撥
兵丁在堆鋪晝夜巡邏○向章每屆開鑪時由
太原府同知詳請布政司咨由太原營
參將揀派造具花名清冊送局收錄每鑪用
鑪頭一名經營本鑪匠役承領看火匠一名將
銅鉛交解錢文等事

頭從庫秤出銅鉛領收內局者雜做匠將所領
銅鉛破碎秤完配合裝礮入爐上火鎔化每爐
每火裝礮六箇每礮裝銅鉛三十斤應用銅鉛
各若干斤遵照當時部章搭配六礮共銅鉛一
百八十斤每百斤除折耗九斤共除折耗銅鉛
十六斤三兩二錢鎔淨銅鉛一百六十三斤十
二兩八錢俟將銅色鎔好該翻沙匠二名將每
匠領礮出爐鑄錢交翻沙匠翻沙匠二名火鎔
好銅鉛翻沙六駄沙計二十板每板鑄錢二枝
每駄計四十枝每枝錢四十四文每駄共錢一
千七百六十文六駄沙共鑄錢一千五百六十
文每文鑄重一錢共重六十六斤除鑄錢外其
餘存銅鉛九十七斤十二兩八錢刷灰匠一名
係屬錢鑄該匠連經交刷灰匠
將鑄出錢文枝上所帶灰土全行刷洗淨盡經
該匠將錢從錢簍落其錢簍仍歸看火匠隨
同配合銅鉛另火入爐頂
退鎔鑄錢文交到邊匠一名將錢上好

先用平刀平齊次用銅滾邊匠一名將錢邊滾
到對邊做好交滾邊匠
磨錢磨錢匠二名將錢光幕二面用沙石看細
匠一名將錢細加查驗如有不堪交庫者駁給
目配合分兩穿串成錠一雜做匠二名經理搬
俟開門出錢驗收儲庫
銅銅鉛搖運藍炭銅確拉扇鑪火風匣擔運水
土等事○卷查乾隆十八年申明鼓鑄成例十
九條內開應用鑪頭於從前鑪頭內選其誠實
諳練之役充當由陽曲縣查明舊歲款鑪之後
有無過犯家道是否殷實取具印甘各結報查
○又開定有開鑪鼓鑄日期前期飭廳製造腰
牌送道茲記給發鑪匠役懸帶屆期前二日點
放入局以便安排應用器具○又開各匠照安
鑪座數從第一號起依號進局俱給腰牌書
明姓名立冊稽查庶呼應通靈不致紊亂遵

照部頒祖母樣錢鑄造

祖母樣錢○卷查乾隆

十八年申明鼓鑄成例十九條內開部頒樣錢
舊例先點工匠數人進局鑄造樣錢由廳送道
移司呈院咨部其原頒樣錢送司貯庫○又查
光緒元年戶工二部奏先經內閣大學士李鴻
章等奏恭達 皇上御極建元光緒應於明
年正月為始各局鼓鑄錢文遵用光緒通寶字
樣至應否仍用光緒重寶錢文及呈進錢式之
處統由該部辦理等因一摺於同治十三年十
二月二十六日奉 旨知道了欽此欽遵行
文錢法衙門遵照在案今準錢法衙門將寶泉
寶源二局鑄成光緒通寶並光緒重寶萬選新
錢送部理合恭呈 御覽候 命下之日
遵照鼓鑄其應行鼓鑄各省所需樣錢照例頒
發一體遵照辦理隨開單札行寶泉局監督將
直隸等省應用祖母制錢並當十樣錢即行鑄
造去後今於光緒元年三月二十日據該監督

將各省應用祖母制錢並當十祖母樣錢各六
文鑄造送部應將送到錢文並鈐錄原奏封發
各省一體遵照辦理一面鑄年號用漢文一面
計祖母制錢六文戶部則例內載鼓鑄制錢一面
鑄局名用清文鑄年號用漢文一面鑄局名用
清文用寶字為首次用用紅銅五成四分白鉛
本省一字山西為寶晉
四成二分七釐五毫黑鉛三分二釐五毫三色
配鑄局銘化以紅銅一色鑄造不加配白黑鉛
斤○又查乾隆十四年巡撫準泰奏請以紅銅
白鉛黑鉛點錫四色配鑄○又查嘉慶元年戶
部咨令照戶工二局額發錢式用紅銅六成白
鉛四成二色配鑄毋庸加配黑鉛點錫○嘉慶
六年改用紅銅五十四斤白鉛四十二斤十二
兩黑鉛三斤四兩三色配鑄○又查咸豐四年

局於百斤內除耗按九
十一斤分兩覈收錢文
每文鑄重一錢

戶部則例內載

錢文輕重京外各局重一錢二分○卷查咸豐
四年戶部咨令改鑄當十大錢每文重四錢四
分工料錢文仍鑄一錢二分重制錢○又查戶
部咨令將制錢減輕二分改重一錢○又查咸
豐五年戶部咨令將當十大錢改重五錢○又
查因請頒一錢重祖錢未到儘鑄當十大錢○
又查咸豐六年因制錢無存改爲大錢四成制
錢六成按成分鑄旋因經費無出全行停鑄○
又查同治十二年巡撫鮑源深咨以兩鑪開鑄
全鑄制錢每文重一錢二分○又查同治十三
年戶部咨仍照前次部
文改鑄一錢重制錢
計鑄錢一十四串五百
六十文

每錢一串計重六斤四兩共重九十一斤○

卷查乾隆十八年申明鼓鑄成例
十九條內開每鑪每日額定鑄錢若干
務須鑄足備有不足扣其工價
每三十日

爲一卯

戶部則例內載山西寶晉局每

年一十二卯遇間加鑄一卯每卯鑄

銅鉛三千斤

內紅銅一千六百二十斤白鉛一千二百八十二斤八兩黑鉛九十

七斤

除折耗二百七十斤

內紅銅一百四十五斤十二兩八錢白鉛

一百一十五斤六兩八錢

黑鉛八斤十二兩四錢淨鑄銅鉛二千七百

三十斤

內紅銅一千四百七十四斤三兩二錢白鉛一千一百六十七斤一兩二錢黑

鉛八十八斤

共鑄錢四百三十六串八百文

乾隆十八年申明鼓鑄成例十九條內開鼓鑄制錢務遵部頒式樣體正色鮮輪廓分明字畫真楷磨洗潔淨滾到圓滿分量合式儘有磨工拙匠將錢文成色與搭配原呈樣錢不符更或缺邊漏風體質虛陋字畫模糊以及分量不足責令趕手匠役分鑄賠鑄外仍將該管鋪頭究

處○又開各鑪制錢舊例每逢十日一次由典
甯道率廳查驗照數收庫該鑪頭率領匠役按
照鑪次出局驗收別鑪不許撓越混
入違者責懲今仍應照舊辦理○內支給工料

錢五十三串六百三十一文內實支工料錢四十七串二十七文

六分六釐零批解冀甯道庫餘贖節省物料錢
六串四百一十三文三分三釐零存儲局庫備
充公用餘贖空缺匠頭錢一百
九十文細數列後工料項下批解布政司庫

錢三百八十三串一百六十九文卷查乾隆十八年申明鼓

鑄成例十九條內開由廳出具連環號批挨次
填寫鑪頭姓名呈院掛發查收各鑪頭僱車運
錢赴司交納該廳仍報遵親行驗發俟擊
獲批迴仍送道查驗今仍應照舊辦理○搭

鑄餘銅及未用補色銅應配鉛斤應耗應鑄應

發工料應解各章程與正鑄同

卷查道光二十七年巡撫王兆

琛奏山西寶晉局自道光元年十月將積餘銅斤配鑄之後截至二十七年正月止除停鑄年分不計外共積存秤頭及補色餘銅二萬三千五百二十三斤零秤頭積餘白鉛一千二百三十二斤黑鉛四百五十三斤自應照例以紅銅白鉛黑鉛三色配鑄共需白鉛一萬八千六百二十二斤零黑鉛一千四百一十五斤零內除本案存積白鉛一千二百三十二斤黑鉛四百五十三斤外尚不敷白鉛一萬七千三百九十斤零請動舊案存積白鉛不敷黑鉛九百六十二斤零請借動新案黑鉛按卅搭鑄錢文歸於正案配放兵餉等項易報造報。又查光緒元年巡撫璽源深奏山西寶晉局自道光二十七年正月將積餘銅斤配鑄之後截至同治十三年四月止除停鑄年分不計外共積存秤頭及補色餘銅二萬二十斤零秤頭積存白鉛一千

八百五十五斤秤頭積存黑鉛五百五十九斤
按照鼓鑄章程紅銅五成四分白鉛四成二分
七釐五毫黑鉛三分二釐五毫三色配鑄計本
案餘銅二萬二十斤零應配用白鉛一萬五千
八百四十九斤零黑鉛一千二百四十九斤零除本
案秤餘白鉛一千八百五十五斤黑鉛五百五
十九斤儘數配用外尚不敷白鉛一萬三千九
百九十斤零黑鉛六百四十五斤零查從前配
鑄秤餘銅鉛如所餘鉛斤不敷配鑄先於下案
正案鉛斤內借動今本案正案白黑鉛斤均有
存賸此次配鑄餘銅所有不敷白黑鉛斤擬即
在於本案正案存賸項下照數動撥俟下案按
卯搭鑄錢文後
統歸下案造報

○搭鑄渣銅應配鉛斤應耗應

鑄應發工料各章程亦與正鑄同其淘鍊工價
並出運廢土車腳由鑄出錢文內支給其應解

錢文解交道庫

卷查咸豐二年戶部覆準巡撫兆那蘇圖咨寶晉局自道光二

十八年正月二十一起至咸豐元年正月二十日止積存鎔灰渣土已滿三年覓工淘洗共鍊出渣銅三千一百斤循照舊例歸於正案銅斤內陸續按卯搭鑄以免錢色參差仍於正案銅斤內易動淨銅三千一百斤借配正案白鉛二千四百五十四斤一兩零借配正案黑鉛一百八十六斤五兩零共銅鉛五千七百四十斤七兩零按照正鑄之例除折耗外該淨銅鉛五千二百二十三斤十三兩零每錢一文鑄重一錢二分共應鑄錢六百九十六串五百八文內應除給鑄錢工料錢一百二串六百二十一文淘銅工價錢二百七十二串一百二十二文出運廢土車腳錢七串三十七文實解冀甯道庫錢三百一十四串七百二十八文

○搭

鑄小錢應耗應鑄應解應發工料各章程亦與

正鑄同惟不配鉛斤其推運小錢車腳由節省

錢文內支給

卷查乾隆五十九年太原府同知王正常詳查乾隆五十六年前署

同知李汝楫疊次將領到小錢試鑄制錢因小錢質地鉛多銅少且帶砂渣浮爛每百斤計折耗一十九斤之多不能如正淨銅鉛例耗九斤成鑄今前後蒙發小錢二萬六千六百八十九斤零飭令改鑄制錢按每百斤除折耗九斤又蒙外發秤餘小錢二千八百六十七斤零原係抵補不足火耗之項經卑職將小錢發鑄即按從前試鑄每百斤應折耗一十九斤改鑄仍恐錢色參差不能一律應請按卯少為搭配方能合式查現在四鑪鼓鑄每月用正案銅鉛錫一萬二千斤內可搭配小錢三千斤仍加發秤餘小錢三百斤抵補不足之火耗俟堵數鑄竣按照例詳請委驗具批起解○又查嘉慶五年太原府同知陳玉鄰申報每鑄小錢一百斤除折耗

九斤

錢法三 支給工料

凡正案鑄錢工料每鑪

戶部則例內載每日合給工料錢一千七百八

十七 每卯例支錢五十三串六百三十一文由本

卯鑄出錢文內動支○內例支匠役工資錢四十串五百七十文六分六釐零除空缺匠頭工

資錢二串四百文外支匠役工資錢三十八串一百七十

文六分六釐零又例支物料錢一十三串五十九文內除節省物料錢八串三

百四十文外支物料錢四串七百一十八文又節省物料錢

八串三百四十一文空缺匠頭工資錢二串四百文內支員役飯食等項

錢四串一百三十七文六分六釐零批解冀省

道庫錢六串四百一十三文三分三釐零存儲

局庫備充公用錢一百九十文卷查乾隆十七年巡撫胡寶瑤

批司議準冀甯道黃祐稟山西寶晉局鼓鑄錢文需用物料各有定額原無可節省之處該道督率委員覈實支用不致匠役花費故有節省但物價低昂早晚不一匠役生熟亦有不齊現在節省之處難以定數將來續鑄所需物料應仍照部定數目辦理應如所請將來續鑄案內所需物料仍照部定章程給發該道督率局員據實開報庶帑項歸於實用而辦理不致周章○又查巡撫胡寶瑤奏自乾隆十四年三月開鑄起所有應用砂礮煤土等項物料該道應嚴實支用不致匠役花費又有節省錢二千三十三串六十四文○又查乾隆二十二年巡撫塔永甯批準冀甯道喬詳寶晉局現在安鑄六座計三十日爲一卯查採辦物料派撥工匠

均係奉部核定支發原無可節省之處緣乾隆十四年間經前道黃祐稽查實用實銷於定額每值每卯應銷物料煤礮等項錢一十三串五十九文內酌議節省銀九兩六錢自第八卯起至十六年停鑄止共報節省銀二千五百四十一兩三錢三分零以上係前道黃祐經理至十八年十月初二日復行開鑄鼓鑄自第二卯節省起至二十年十二月止係前道莊有信經理共報節省錢八百四十五串七百三十七文易存銀一千一十四兩八錢八分零貯庫自二十二年正月起到至十月止係革道楊龍文經理共計十卯據管局同知每月報解節省錢四十六串八十文共四百六十串八百文該道報歸存公錢每卯二十一串不等共銀二百一十三串九百八十八文易銀二百六十七兩三錢九分貯庫下餘錢二百四十六串六百八十二文以作道署充公之項查此項節省錢文本係定額應銷之項如有節省自應全數歸公革道楊龍

文扣存錢文私作道署公用並無詳案可稽似
應按數著追報解以杜侵虧之弊再本道更有
請者寶晉局共鑄六座每鑪每卯節省錢七串
六百八十文六鑪共錢四十六串八十文今查
鑪頭等在局辦事毫無弊竇省城食物昂貴口
食不敷應請在前項節省錢文內動給錢七串
六百文以資口食其餘錢三十八串四百八十
文按卯解交道庫○又查乾隆二十三年冀甯
道喬 移司册開今將寶晉局每卯節省作
料錢文以及不敷料價各數造册移送查覈
一砂礮每卯額用七百二十箇每鑪每日用礮
四箇每箇價錢六十文共額該錢四十三串二
百文內節省錢三十三串九百六十一文實發
錢九串二百四十文 一黃沙土每卯額用三
百六十車每鑪每日用二車每車價錢二十五
文共額該錢九串文內節省錢八串二百一十
文實發錢七百九十文 一貫錢繩每卯額用
二千七百副每副價錢一文共額該錢二千七

百文節省無一木炭每卯額用一千四百四十斤每鑪每日用八斤每斤價錢五文共額該錢七串二百文內節省錢六串七十六文實發錢一串一百二十四文一鹽每卯額用一千八十斤每鑪每日用六斤價錢二十文共額該錢三串六百文內節省錢一千八百文實發錢一千八百文一解錢車每卯額用三十六把每一把解錢五十一串零腳費錢六十文共額該錢二千一百六十文前因部定不敷加添錢五百四十文共發錢二千七百文一鹽炭每卯額用一萬九千八十斤每鑪每日用一百六斤價錢五十八文三分共額該錢一十串四百九十四文前因部定不敷加添錢三千四百二十六文共發錢一十三千九百二十文以上共額該物料錢七十八串三百五十四文內除實發錢三十二串二百七十四文外每卯實節省錢四十六串八十文內除前署道喬詳明自五十卯起於此項內撥加鑪頭各役飯錢七

千六百文外每卯實解道節省錢三十八串四百八十文○又查嘉慶九年署太原府同知明

詳覆冀甯道節省錢文原委內開此項節省

錢文自乾隆十四年三月起至二十二年十月

止彼時原無定數是月經前道憲喬查匠

辦局務每卯節省錢三十八串四百八十文

役工資

每日例定錢一千三百五十二文三分五釐零內除空缺匠頭錢八十文另款

支銷於後外實支錢一串二百每卯例定錢四十

百七十二文三分五釐零

串五百七十文六分六釐零

除空缺匠頭錢二串四百文內支給

員役飯食等項錢二串二百一十文存儲局實

庫備充公用錢一百九十文另列於後外

支錢三十八串一百七十文六分六釐零

由本卯籌

出錢文

○鑪頭一名

每日例定工資錢六十文

每卯例定錢

內動支

一串八百文實支○匠頭二名每日例定工資錢八十文每卯

例定錢二串四百文空缺○支給員役飯食等項錢二串二百一十文存

儲局庫備充公用錢一百九十文另列於後○看火匠一名每日例定工資

錢一百五十八文六分六釐零每卯例定錢四串七百五十九

文八分三釐零實支○翻沙匠二名每日例定工資錢二百五

十六文六分六釐零每卯例定錢七串六百九十九文八

分三釐零實支○刷灰匠一名每日例定工資錢八十九文八分二

釐零每卯例定錢二串六百九十四文八分三釐

零實支○剝邊匠一名每日例定工資錢九十一文每卯例定

錢二串七百三十文實支○滾邊匠一名每日例定工資

錢八十一文實支每卯例定錢二串四百五十三文

一分六釐零實支○磨錢匠二名每日例定工資

文七分實支每卯例定錢九串八百三文一分六釐

零實支○看細匠一名每日例定工資每卯例定

錢一串四百七十文實支○雜做匠二名每日例定工資

錢一百五十八文實支每卯例定錢四串七百五十九

文八分三釐零實支

雜色物料每日例定價銀四百三十五文三分內除節省物料錢二百七十八文

三釐零另款支銷於後外實用物料 每卯例定
價錢一百五十七文二分六釐零

價值錢一十三串五十九文 除節省物料價錢
八串三百四十一

文內支給員役飯食等項錢一串九百二十七
文六分六釐零批解冀甯道庫錢六串四百一

十三文三分三釐 實支錢四串七百一十八文
零另列於後外

由本卯鑄出 每口例定四箇每箇價錢
錢文內動支 ○ 確子 六十文合錢二百四十文

內除節省三箇一分四釐零合錢一百八十八
文六分六釐零外實用八分五釐零合錢五十

一文三分 每卯例定一百二十箇價錢七串二
三釐零

百文 內除節省九十四箇三分三釐零合錢
五串六百五十九文九分九釐零外 實

用二十五箇六分六釐零支錢一串五百三十

九文九分九釐零○黃砂土

每日例定二車每車價錢二十五文

合錢五十文內除節省一車八分二釐零合錢四十五文六分一釐零外實用一分七釐零合

錢四文三分八釐零 每卯例定六十車價錢一串五百文

內除節省五十四車七分三釐零合錢一串三百六十八文三分三釐零外 實用五

車二分六釐零支錢一百三十一文六分六釐

零○貫錢繩 每日例定一十五副每副價錢一文合錢一十五文 每卯例

定四百五十副價錢四百五十文 實支 ○木炭 每日

例定八斤每斤價錢五文合錢四十文內除節省六斤十二兩零合錢三十三文七分五釐零

外實用一斤二兩零合錢六文二分四釐零 每卯例定二百四十斤

價錢一串二百文

內除節省二百二斤八兩零合錢一串一十二文六分六釐

外釐零

實用三十七斤七兩零支錢一百八十七

文三分三釐零○鹽

每日例定六斤每斤價錢三文三分三釐零合錢二

十文內除節省三斤合錢九文九分九釐零外實用三斤合錢九文九分九釐零

每卯

例定一百八十斤價錢六百文

內除節省九十斤合錢三百文

外實用九十斤支錢三百文○藍炭

每日例定一百六斤

每斤價錢五分五釐合錢五十八文三分

每卯例定三千一百八十

斤價錢一串七百四十九文

實支

○解錢車

每日例定

二分以每把腳力錢六十文計算每分腳力錢六文合錢一十二文

每卯例定六

把價錢三百六十文

實支

節省物料價值並空缺匠頭工資

每日節省物料價值錢二

百七十八文三釐零空缺匠頭工資錢八十文
內支給員役飯食等項錢一百三十七文九分
二釐零批解冀甯道庫餘存節省物料錢二百
一十三文七分七釐零存儲局庫備充公用餘
存空缺匠頭錢六文三分三釐零

每卯節省物料價值錢八串

三百四十一文空缺匠頭工資錢二串四百文

共錢一十串七百四十一文

內

支給員役飯食

等項錢四串一百三十七文六分六釐零

由節省物料

價值內動支錢一串九百二十七文六分六釐零
由空缺匠頭工資內動支錢二串二百一

十文批解冀甯道庫錢六串四百一十三文三分

三釐零

係係存節省物料價銀

存儲局庫備充公用錢一

百九十文

係係存空銀匠頭工資

○監視官飯食

每日錢一十九

文四分每卯支錢五百八十三文三分三釐零

○監視官跟役飯食

每日錢二文七分七釐零

每卯支錢八

十三文三分三釐零○監造家丁飯食

每日錢五文五

分五釐零每卯支錢一百六十六文六分六釐零○

司書飯食

每日錢一十文

每卯支錢三百文○道書飯

食

每日錢一十文

每卯支錢三百文○廳書飯食

每日錢四

文四分
四釐零
每卯支錢一百三十三文三分三釐零

○局書飯食
每日錢一十文
每卯支錢三百文○局快

工食
每日錢一十五文
每卯支錢四百五十文○更夫

工食
每日錢八文八分八釐零
每卯支錢三百六十六文六

分六釐零○搬銅小工工食
每日錢二文
每卯支錢

六十文○局書紙筆
每日錢五文五分五釐零
每卯支錢一

百一十六文六分六釐零○更夫燈油
每日錢二文一

分一
釐零
每卯支錢三十三文三分三釐零○巡兵

燈油
每日錢一文一分一釐零
每卯支錢三十三文三分三釐零

釐零○釐頭不敷工資

除例給工資錢六十文外每名每日添給錢二

十每卯

除例給錢一串八百文外

添給錢六百文○藍炭不

敷價值

每日例定一百六斤除例給價錢五分五釐外每斤添給錢一分七釐零合錢

一十九文

每卯

例定三千一百八十斤除例給價錢一串七百四十九文外

添給錢五百七十一文○解錢車不敷腳力

每日

例定二分除例給腳力錢一十二文外每分添給錢一文五分合錢三文

每卯例定六把

除例給腳力錢三百六十文外

添給錢九十文○每卯批解冀

甯道庫錢六串四百一十三文三分三釐零

係餘

存節省物

料價值

○每卯存儲局庫備充公用錢一百

九十文

係餘存空缺匠頭工資○卷查乾隆十

錢文及用過銅鉛工料數目舊例係通判按季

造冊報道

移司咨部歲底造具總冊詳請具題

今應仍照

舊例造報○又每卯津貼工料不敷錢三十串

文卷查同治十二年巡撫鮑源深批准布政使

李慶翔詳太原府同知閻敦五稟以寶晉局

減鑪開鑄食物雜料價值比前增昂數倍請每

鑪酌加津貼錢一十五串文在於司庫外銷間

款項下動支○又查光緒十一年署理巡撫奎

批準布政使高崇基詳署太原府同知張承

熊詳寶晉局鼓鑄錢文物料雖已加增工食仍

形短絀擬請每卯再加津貼錢一十五串文在

於試買洋銅餘賸項下

動支統歸銅價報銷

拾鑄餘銅及未用補色銅又搭鑄渣銅又搭鑄

小錢應支應解應存各章程均與正鑄同

錢法四 搭放用款

凡批解司庫正鑄錢文或搭放兵餼工食

會典內載

順治四年戶部定每十錢準銀一分○又載順治十二年戶部題準制錢搭放兵餼工食令州縣扣算列入由單填註收簿○又載乾隆九年

上諭各省兵餼如有折扣搭給者照江

南之例每銀一兩給錢一千或搭放存留驛站官役俸工雜

支等項

會典內載康熙八年戶部定各省存留驛站官役俸工雜支等項均以銀七錢

三搭放或搭放省城滿漢官兵俸餼扣銀報撥

會典內載

乾隆十七年戶部題準山西撫標左右太原三營暨太原城守尉官兵俸餼等項以銀七錢三搭放○又載乾隆三十一年戶部奏準山西夏冬二季及三月九月兵餼以錢七成搭放

餘月搭放三成○又載乾隆三十六年戶部奏準山西兵餉每月以錢三成搭放每銀一兩給錢一串○又載乾隆五十九年戶部奏準各省停止搭錢○又載嘉慶二年戶部覆準山西兵餉仍照舊搭或搭放文武各官養廉並省城滿放三分制錢

漢四營兵餉暨各州縣應領驛站不敷夫馬工

料扣銀報撥

卷查道光二十三年戶部咨覆巡撫梁萼涵咨山西寶晉局先以四

鑄開鑄錢文按三十日爲一卯通年一十二卯除工匠飯食等項外共解司庫錢一萬四千八百九十一串七百三十六文在於文武各官養廉以及省城應領滿漢四營兵餉並應領雜款內均勻按年給支文職各官養廉自撫院起至州縣止通年支銀一十九萬四千九百一十兩有奇本省解送常捐銀五萬七千一百九十三兩六錢七分一釐扣除免派外實請

領銀一十三萬七千七百一十六兩三錢二分
九釐武職養廉自總鎮起至都守止通年共應
領銀二萬六千八百二十兩省城駐紮滿漢四
營兵饌通年約領銀四萬六千一百一十八兩
三錢二分夫馬工料通年共應領銀六萬四千
七百七兩三錢三釐以上共由司請領銀二十
七萬五千三百六十一兩九錢五分三釐將應
解司庫錢一萬四千八百九十一兩七錢三十
六文通盤合計每請領銀一百兩應搭派錢五
千四百一十文扣收銀五兩四錢一分均於本
年五月十二日爲始按照搭放一俟積有成數
陸續撥解京協各饌通年動支錢文數目統於
年終造冊報部覈銷○又查咸豐四年晉省加
鑄當十大錢改爲大錢制錢各半搭放旋自是
年冬季起旗綠各營兵饌停止搭放錢文○又
查咸豐六年文職各官養廉自夏季起停止搭
放錢文○又查同治元年巡撫英桂批准布政
使鄭敦謹詳以寶晉局現在停鑄舊存制錢搭

放無存應搭各州縣請領驛站不敷夫馬工料
一半制錢暫於省城三營修理堆房等項生息
錢文內借動搭放○又查光緒二年鑄存大錢
搭放無存寶晉局因銅斤未到暫行停鑄應扣
各州縣請領驛站不敷夫馬工料一半大錢銀
兩暫收寄儲俟將來鼓鑄大錢或再補放或仍
全以制錢搭放另行辦理○又查光緒九年巡
撫張 奏準據清源局司道詳稱晉省奏請
清查庫款聲明將司庫借款從流溯源層遞撥
正等因茲查各屬請領驛站不敷夫馬工料銀
兩於道光二十三年寶晉局開鑄鼓鑄錢文案
內經前撫臣梁萼涵奏準每請領銀一百兩搭
放鼓鑄制錢五千四百一十文扣收銀五兩四
錢一分放實銀九十四兩五錢九分無閏之年
應搭制錢三千二百三十三串六百八十四文
有閏之年應搭制錢三千五百串六百四十文
咸豐年間寶晉局奉文分錢當十大錢議以制
錢大錢各半搭放每百兩扣收銀五兩四錢一

分隨時借撥協防各鎮旋因寶晉局停鑄其應
搭一半制錢詳明暫於省城三營修理堆房等
項生息錢文內搭放扣收一半制錢銀二兩七
錢五釐亦經隨時動用扣收一半當十大錢銀
二兩七錢五釐另款存儲以備各州縣具領在
案惟查當十大錢原屬一時權宜之計各省多
未通行即使寶晉局設法開鑄亦斷無再鑄當
十大錢之理將來仍須查照舊案全數搭放制
錢歷年借動生息制錢借數既鉅待用亦亟舊
欠既未便久假不歸以後亦無款時時續借以
致借鉅難還因查每銀百兩扣銀五兩四錢一
分搭放制錢五千四百一十文以晉省時估計
之是發之州縣者居其半扣收司庫者居其半
爲數均不過二兩七錢餘因一款而牽及數款
以致混淆不清必須設法釐正擬請將各屬請
領驛站不敷夫馬工料銀一百兩內扣收銀五
兩四錢一分以一半銀二兩七錢五釐發交州
縣作爲全數領清不再搭放制錢以一半銀二

兩七錢五釐扣存司庫報撥於庫款仍符原數
於各屬領款亦無增減一俟寶晉局開鑄鼓鑄
存有錢文再復咸豐年間舊案扣存司庫之款
先儘前借生息制錢撥還俟清款後卽行報部
候撥等情詳請具奏前來臣查滇銅現產不旺
價值昂貴晉省地僻道阻購運維艱寶晉局能
否開鑄鼓鑄一時尚難定議將來開鑄斷不至
再鑄當十大錢現當清釐庫款之日若拘提舊
案借動搭放輾轉扣算殊多膠葛嗣後驛站不
敷夫馬工料一項擬就向搭制錢大錢應扣銀
五兩四錢一分以一半銀二兩七錢五釐由州
縣具領作爲全數發清其餘銀二兩七錢五釐
扣儲司庫按年彙總易錢先儘前借生息制錢
撥還一俟清款卽將扣存之銀全數報部候撥
如此辦理於奏案折錢扣銀之數仍屬相符於
州縣實領之數並無出入而報部入撥之款每
年增多一千六百餘兩卽可作爲放贖餘錢存
常額且於綜核款目較爲簡易

備市價昂貴減價易銀報撥

會典內載乾隆二十一年戶部奏準

山西鼓鑄餘錢交地方官設廠平賣按照市價減五分出易○卷查乾隆三十六年鼓鑄解司錢文於省城滿漢四營兵饌內按銀七錢三搭放每銀一兩給錢一串餘錢存司以備市價昂貴每錢一半減銀五分委員○其搭鑄餘銅解設廠出易銀兩按年報撥

司錢文與正鑄同○又搭鑄渣銅解道錢文每

屆三年易銀解司報撥○又搭鑄小錢解司錢

文歸還收買原價

卷查乾隆六十年布政使善泰札太原府同知前據該廳

請領小錢鎔化改鑄制錢久經飭令該廳督匠遵照部式認真妥鑄在案該廳速將改鑄制錢即日詳請批解以憑查○其解道節省物料錢收歸款詳報咨部清項

文每屆三年隨同渣銅鑄成錢文一併易銀解
司報撥卷查嘉慶九年署太原府同知明詳
覆冀甯道節省錢文原委內開此項錢
文每至三年隨同渣銅鑄成
錢文一併易銀解司報撥
○又存局空缺匠
頭錢文補充公用

附載舊例

大同局陽和局鑄造制錢○平定州寶泉分局鼓鑄鐵錢○寶晉局試鑄

鐵錢

大同局陽和局鑄造制錢

會典內載順治二年戶部題準山西大同

府開鑄

○又載順治六年移大同局於陽和

又載順治十年戶部題準各省鑄造制錢背鑄

一釐兩漢字各增本省一字陽和陽字○又載

順治十三年戶部覆準移陽和局於大同改鑄

清漢同字○又載順治十四年戶部題準停各

省鑄局○又載順治十七年戶部覆準復設各

省鑄局○又載康熙元年停各省鑄錢○又載

康熙六年復開各省鼓鑄照式鑄地名各一字

○又載康熙

九年停○平定州寶泉分局鼓鑄鐵錢

卷查咸豐

四年戶部奏準移本部鐵錢局於山西平定州

河底鎮名寶泉分局開鑄二十座鼓鑄鐵錢由

部奏派司官二員監督由晉遴委道府大員會
辦揀派佐雜數員充局內委員每年由晉籌解
鑄本銀四萬八千兩所鑄錢文解
京搭放嗣因鐵錢窒礙難行停止 ○寶晉局試
鑄鐵錢 卷查咸豐六年戶部議準巡撫王慶雲
奏寶晉局鼓鑄銅錢虧折太多請停鑄
銅錢由巡撫司道等官捐廉試鑄鐵錢咸豐七
年十一月開鑄十二月鑄竣亦因窒礙難行停
止